



類函九八



二百十一  
斌功

二百十二  
斌功

1703
427
98





門 4 3  
第  
卷



新嘉坡圖書館

此冊係明治八年八月  
廿八日由諸君以  
購以贈

新嘉坡圖書館



淵鑑類函卷二百十一

武功部六 征伐

征伐一

**增**易曰謙六五不富以其鄰利用侵伐無不利象曰利  
 用侵伐征不服也上六鳴謙利用行師征邑國象曰鳴  
 謙志未得也可用行師征邑國也 又曰離上九王用  
 出征有嘉折首獲匪其醜元咎象曰王用出征以正邦  
 也 書曰天討有罪五刑五用哉 **原**周禮曰大司馬  
 之職以九伐之法正邦國馮弱犯寡則眚之賊賢害民  
 則伐之暴內陵外則壇之野荒民散則削之負固不服

武功部

淵鑑類函卷二百十一

征伐



則侵之賊殺其親則正之放弑其君則殘之犯令陵政則杜之外內亂禽獸行則滅之周禮鄭注曰諸侯有違王命則出兵以征伐之所以正之也諸侯之有國如樹木之有根本是以言伐春秋左傳曰凡師有鐘鼓曰伐聲其罪無曰侵鐘鼓無聲輕曰襲掩其不備又曰鬪辛曰不讓則不和不可以遠征春秋公羊傳曰猶者曰侵精者曰伐戰不言伐圍不言戰入不言圍滅不言入書其重者也何休注曰猶麤也將兵至竟以過侵精密也侵責之不服推兵入增春秋胡傳曰凡兵聲境伐擊之益深用意稍精密

罪致討曰伐潛師掠境曰侵兩兵相接曰戰縲其城邑

曰圍造其國都曰入徙其朝市曰遷毀其宗廟社稷曰滅詭道而勝之曰敗悉虜而俘之曰取輕行而掩之曰襲已去而躡之曰追聚兵而守之曰戍以弱假強而能左右之曰以皆誌其事實以明輕重原春秋說題辭曰伐人者國內行威有所斬壞伐之為言敗也春秋佐易期曰太尉主甲卒神名辯會曰庫兵動鼓自鳴得諸侯象也大戴禮曰明王之征必道之所廢者也彼廢道而不行然後誅其君改其政率其民而不奪其財也故曰人主之征也猶時雨也至則民悅矣禮記王制曰天子五年一巡狩革制度衣服者為畔畔者君



討 又曰諸侯賜弓矢然後征賜鈇鉞然後殺 **原**又  
曰天子將出征類乎上帝宜乎社造乎禰禡於所征之  
地受命於祖受成於學出征執有罪反釋奠於學以訊  
馘告 **增**又月令曰孟秋天子乃命將帥選士厲兵簡  
練禁後專任有功以征不義詰誅暴慢以明好惡順彼  
遠方 **原**論語孔子曰天下有道則禮樂征伐自天子  
出 **增**家語孔子曰七教修然後可以守三至行然後  
可以證明王之道其守也則必折衝千里之外其征也  
則必還師社席之上 孟子曰國必自伐而後人伐之  
又曰天子討而不伐諸侯伐而不討五霸者摟諸侯

以伐諸侯者也 注大討者出命以討其罪而使方伯連  
帥帥諸侯以討之也伐者奉天子之命  
聲其罪而伐之也摟牽  
也不用天子之命也 又曰征者上伐下也敵國不  
相征也 又曰征之為言正也各欲正已也焉用戰  
國語祭公謀父曰先王之訓有不祭則修意有不祀則  
修言有不享則修文有不貢則修名有不王則修德序  
成而有不至則修刑於是乎有刑不祭伐不祀征不享  
讓不貢告不王於是乎有刑罰之辟有攻伐之兵有征  
討之備有威讓之令有文告之辭布令陳辭而又不至  
則增修於德無勤民於遠是以近無不聽遠無不服  
史記律書曰教答不可廢於家刑罰不可捐於國誅伐

武功部 附錄頁百六十一 征伐



不可偃於天下用之有巧拙行之有順逆耳晉書天文志曰參十星一曰鈇鉞主斬刈又為天獄主殺伐北史崔浩曰陽者德也陰者刑也故月蝕修刑夫王者之用刑大則陳之原野小則肆之市朝戰伐者用刑之夫者也三陰用兵盡得其類修刑之義也太公武韜曰凡文伐有十二節十二節備乃成武事所謂上察天下察地徵已見乃伐之司馬法曰其有失命亂常悖德逆天之時而危有功之君徧告於諸侯彰明有罪乃告於皇天上帝日月星辰禱於后土四海神祇山川冢社乃造於先王然後冢宰徵師於諸侯曰某國為不道

征之以某年月日師至於某國會天子正刑尉繚子曰易號易常違王明德故禮得以伐也又曰兵者凶器也爭者逆德也事必有本故王者伐暴亂本仁義焉原淮南子曰人有伐國之志雄雞夜鳴庫兵動而戎馬驚又曰敵國之君有加虐於民者則舉兵而臨其境乃發號施令曰此天之所以誅民之所以仇也兵之來也以廢不義而復有德也百姓開門而待之浙朱而儲之唯恐其不來也原陳琳為曹洪與魏文帝書曰王者之師有征無戰摯虞新禮議曰漢魏故事遣將出征符節郎授鉞於朝堂新禮遣將御臨軒尚書授



節鉞古兵書跪而推轂之義也 摯虞決疑要注曰古者帝王征以齊車載遷廟之主以行故尚書甘誓曰用命賞於祖不用命戮於社 **增**六典曰凡大將出征皆告廟授鉞鉞辭太公廟辭訖不返宿於家 蘇頌撰命薛納等伐默啜敕曰朕聞天所與者奉天命而不違人所棄者順人心而必伐古先帝王光宅區縣實仗威武用清荒戎時義遠矣 華陽范氏曰古之明王天下有不順者必諄諄告教之至於再至於三告之不可然後征之則其民知罪而用兵有辭矣

征伐二

**原**虞書曰帝曰咨禹惟茲有苗弗率汝徂征禹乃會羣后誓於師曰濟濟有衆咸聽朕命蠢茲有苗昏迷不恭侮慢自賢反道敗德君子在野小人在位民棄不保天降之咎肆予以爾衆士奉辭伐罪 **增**夏書曰惟仲康肇位四海胤侯命掌六師義和廢厥職酒荒於厥邑胤承王命徂征告於衆曰今予以爾有衆奉將天罰殲厥渠魁脅從罔治 史記周本紀西伯曰文王殷紂賜之弓矢斧鉞使西伯得征伐 詩曰密人不恭敢距大邦侵阮阻共王赫斯怒爰整其旅以按徂旅以篤周祜以對於天下又曰帝謂文王詢爾仇方同爾兄弟以爾鉤



援與爾臨衝以伐崇墉臨衝閑閑崇墉言言執訊連連

攸馘安安是類是禡是致是附四方以無侮臨衝第第

崇墉仡仡是伐是肆是絕是忽四方以無拂此文王伐崇之

也原太公金匱曰武王伐殷丁侯不朝尚父乃畫丁

侯射之丁侯病遣使請臣尚父乃以甲乙日拔其頭箭

丙丁日拔其目箭戊巳日拔腹箭庚辛日拔股箭壬癸

日拔足箭丁侯病乃愈四夷聞乃懼越裳氏獻白雉

詩曰既破我斧又缺我斨周公東征四國是皇哀我人

斯亦孔之將左傳曰鄭莊公以王命討不庭不貪其

土以勞王爵正之體也增又曰公會齊侯鄭伯伐許

君子謂鄭莊公於是乎有禮禮經國家定社稷序民又

利後嗣者也許無刑而伐之服而舍之度德而處之量

力而行之相時而動無累後人可謂知禮矣又曰齊

侯伐楚楚子使與師言管仲曰昔召康公命我先君太

公曰五侯九伯女實征之以夾輔周室爾貢包茅不入

王祭不共無以縮酒寡人是徵昭王南征而不復寡人

是問對曰貢之不入寡君之罪也敢不共給昭王之不

復君其問諸水濱管子曰桓公北伐山戎以升布

天下又曰桓公北伐孤竹未至卑耳之谿十里援弓

而射未敢發也謂左右曰見前人乎對曰不見公曰寡

而射未敢發也謂左右曰見前人乎對曰不見公曰寡



人見人長尺而人物具焉冠冠右祛衣馬前疾走寡久  
其不濟乎管仲曰祛衣示前有水也右示涉也至卑耳  
之谿從左涉深沒冠從右涉水深至膝已涉大濟公拜  
曰仲父之聖若此也 又曰代出狐白皮公貴買之齊  
載金錢之代谷求狐白皮代王去其農處山林求狐齊  
聞而伐之代王即將其國士卒服於齊 詳左傳晉  
荀息請以屈產之乘與垂棘之璧假道於虞以伐虢  
**原**又曰晉侯復假道於虞以伐虢宮之奇諫曰虞虢之  
表也虢亡虞必從之諺所謂輔車相依唇亡齒寒者其  
虞虢之謂也虞公弗聽晉滅虢師還遂襲虞滅之 又

曰衛大旱甯莊子曰昔周饑克殷而年豐今邢方無道  
天其或者欲使衛討邢乎從之師興而雨 韓子曰秦  
穆公以女樂二八遺戎王戎王大悅聽樂終歲不還舉  
兵伐之開地千里 **左傳**曰季康子欲伐邾子服景  
伯曰背大國不信伐小國不仁民保於城城保於德失  
二德者危將焉保 **原**史記曰樂毅并護趙楚韓魏燕  
之兵以伐齊破之追至於臨淄齊湣王走保於莒樂毅  
獨留徇齊攻臨淄盡取齊寶財物祭器輸之燕昭王大  
悅親至濟上勞軍行賞饗士封毅於昌國號為昌國君  
漢書郊祀志曰武帝南伐越以牡荆畫北斗登龍以

武功部

開監類函卷二百十一

征伐

七



象天一命曰靈旗以指所伐 增後漢書曰時赤眉延岑暴亂三輔乃遣馮異討之車駕送至河南賜以乘輿七尺具劔敕異曰元元塗炭無所依訴今之征伐非必略地屠城要在平定安集之耳 諸葛亮後出師表曰先帝慮漢賊不兩立王業不偏安故託臣以討賊臣受命之日寢不安席食不甘味思惟北征宜先入南故五月渡瀘深入不毛冒危難以奉先帝之遺意今賊適疲於西又務於東兵法乘勞此進趨之時也 原魏志曰景元四年鄧艾伐蜀自陰平行無人之地七百餘里鑿山通道作橋閣山高谷深至為艱險艾以旗一作白裹

推轉而下將士皆攀木緣崖魚貫而進 增晉書曰武帝謀伐吳拜王濬為龍驤將軍監梁益諸軍事太康初濬自發蜀兵不血刃攻無堅城入於石頭皓乃備亡國之禮造於壘門濬躬解其縛送於京師收其圖籍封其府庫軍無私焉 原王隱晉書曰咸康元年智護王隨領三千人討寧州賊吹三角皆裂軍人惡之隨曰裂者破也當破賊而得土地也 增南史曰宋武帝北伐檀道濟為前鋒所至望風降服徑進洛陽議者謂所獲俘囚應悉戮以為京觀道濟曰伐罪弔人正在今日皆釋而遣之於是中原感悅歸者甚眾 唐書曰安祿山反



榮王爲元帥高仙芝副之領飛騎曠騎及朔方等兵出  
禁財募關輔士五萬繼封常清東討帝御勤政樓引榮  
王受命宴仙芝以下帝又幸望春亭勞遣 又曰高崇  
文元和中遷長武城都知兵馬使劉闢反宰相杜黃裳  
薦其才俾統兵討闢時顯功宿將人人自謂當選及詔  
出皆大驚時崇文選兵五千常若寇至至是卯漏受命  
辰已出師遂趨成都闢走追禽之檻送京師 又曰時  
討蔡數不利裴度拜門下侍郎平章事彰義軍節度淮  
西宣慰招討處置使入對延英曰賊未授首臣無還期  
帝壯之及行御通化門臨遣賜通天御帶發神策騎三

百爲衛是時諸道兵悉中官統監度奏罷之使將得顯  
制號令一戰氣倍未幾李愬夜入縣瓠城縛吳元濟以  
報度撫定其人以蔡牙卒侍帳下或謂反側未安度笑  
曰元惡已擒蔡人皆吾人也衆感泣 宋史曰乾德七  
年將伐江南詔以曹彬爲昇州西南路行營馬步軍戰  
權都部署明年金陵受圍凡三時彬使人諭之曰事勢  
如此所惜者一城生聚若能歸命策之上也城垂克彬  
忽稱疾不視事諸將皆來問疾彬曰余之疾惟須諸公  
誠心自誓以克城之日不妄殺一人則自愈矣諸將許  
諾明日城陷李煜詣軍門請罪彬慰安之待以賓禮自



出師至凱旋士眾畏服無敢肆者及入見刺稱奉敕江南幹事回其謙恭不伐如此 又曰建炎中建安范汝為反以韓世忠為福建宣撫副使平之世忠初令軍士馳城上毋下聽民自相別農給牛穀商賈弛征禁脅從者汰遣獨取附賊者誅之民感更生 又曰紹興中岳飛奏臣願提兵進討順天道因人心以曲直為老壯以順逆為強弱萬全之効可必

征伐三

**原正邦** 匡國 上詳征伐一詩儉狃孔熾我 救無辜 執有罪 周禮大司馬職云大合軍以行禁令 征

西戎 伐大越 列子云周穆王征西戎 竹書紀

于上帝 封于大神 尚書大傳云牧之野武王之大事

奠于山川亦如之鄭注云大神社及一方岳也山川蓋軍

之所 政有九因 伐有七機 周書云政有四戚五和

友朋四同里五和一有天無惡二有人無怨三同好相

固四同惡相助五遠宅不薄此九者政之因也 又云

其列四時三興四時一春違其農二夏食其穀三秋取

鐵以節此七 未發先聞 觀豐而動 管子曰桓公與

者伐之機也 東郭未發而巳聞於國也管仲曰國必有聖人少焉

東郭郵至桓公曰子言伐莒者乎東郭郵曰然桓公曰

寡人不言伐莒而子言伐莒何也東郭郵曰對曰謬然豐

滿而手是拇動者兵甲之色也日者臣視二君之在臺

上也口開而不關是言莒也舉手而指勢當莒也且臣

觀小國諸侯之不服者唯莒於是臣故曰伐莒也 左傳

武功師 征伐

刑監貢



晉師救鄭聞鄭既及楚平隨武子曰會聞用師觀

和廢時 葛伯不祀 尚書序云義和涵淫廢時亂日

宣王北伐 宣王北伐 宣王北伐 宣王北伐 宣王北伐

海餘力矣 赫南仲薄伐西戎注云薄之為言聊也蓋不勞

子囊曰君命以共若之何毀之赫赫楚國而君臨之撫

有蠻夷奄征南海以屬諸夏而知其過可不謂共乎請

夫從之共大 奮伐荆楚 掩征江漢 出商頌云經綸

文武謀略弘深方將網羅鯨鯢掩征 出商頌云經綸

歷王庭 李陵與蘇武書曰昔先帝授步卒五千出征絕域

步卒不滿五千深踐戎馬 窮域極邊 碎肝破膽 卒

之地足歷王庭垂餌虎口 窮域極邊 碎肝破膽 卒

出師頌曰况我將軍窮域極邊鼓無停響旗不暫蹇

漢劉向疏救陳湯云單于背恩叛德囚執漢使騎都

尉甘延壽副使陳湯知之難下赫然有欲討之意 井堙

入絕域之地赴湯火之難康居破膽匈奴碎肝 井堙

木刊 斬祀煞厲 左傳陳侯會楚子伐鄭當陳隧者井

祀煞厲鄭注曰祀神位 琰圭以除慝 牙璋以起軍

有屋樹者厲注曰祀神位 琰圭以除慝 牙璋以起軍

周禮典瑞職云琰圭以易行以除慝鄭司農注曰琰圭

有鋒芒傷害征伐誅討之象故以易行除慝 又玉人

職云牙璋中璋七寸射二 入純門及達市 入孟門

寸厚寸以起軍旅詳軍旅 入純門及達市 入孟門

登太行 衆車入自純門及達市 又齊侯伐晉取朝歌

爲二隊入孟 斬孤竹遇山戎 超天關橫漢津 管子

公北伐令支斬孤竹遇山戎 崔駰武都賦云超天關

今橫漢津寧西土兮祖北征凌月氏兮厲樓煩濟雲中

元息 破匈奴臨瀚海 擊呼衍至木樓 漢書去病破

武功部 崩監頌為卷二百一十一 征伐 二



匈奴渾邪王封狼居胥山登臨瀚海而還後漢書竇  
 固擊呼衍王斬首千餘級呼衍王走追至蒲類海留吏  
 士屯伊吾盧城耿秉秦彭絕四征七伐王書云惟周  
 庭綏厥兆民又云不愆于四被社受律被社行  
 社也受律以出濯賜彤弓揚黃鉞諸侯賜彤弓  
 征也方注濯大也歌采薇致包茅遣將帥之歌采薇  
 威以揚黃鉞之威不軌于兵者以威不軌奄征啓戎  
 見二征討不庭威不軌于兵者以威不軌奄征啓戎  
 心有慙德疆場無主則啓戎心揚軍旅取凶  
 殘詩上出周禮殷湯始伐猶有慙德揚軍旅取凶  
 下惠吾欲伐齊對曰不可歸而有憂色曰建侯行師  
 吾聞伐國不問仁人此言何為至於我哉  
 有征無戰詳征伐一奉辭伐罪受命忘家詳上

征伐二司馬穰苴曰受命之  
 日則忘其家臨敵則忘其身  
 士夫子有三軍之事兩  
 軍之士皆未慙慙缺也  
 武示威攻昧乘王怒行天誅埽欃槍戮  
 鯨鯢三年東征六月北伐師出有名武先禁  
 暴則侵不服以征不義詰暴誅慢深入長驅  
 因山川以涉險整干戈而作威啓滅有扈而夏  
 功昭成克商奄而周德著叛而不討何以示威  
 服而不柔何以示懷九黎之亂德黃帝興師三苗  
 之不舉虞舜稱兵即戎而行遣以采薇之咏擇利  
 而動收其破竹之功方叔南征荆蠻詩人歌之列於  
 武功部  
 征伐  
 武  
 三  
 三  
 三



雅 克國西伐先零詞臣美之著於贊

元惡 討大慙 經濟類編相約蘇峻友都鑿奉詔流涕

咸願奉辭伐罪以除元惡凡我同盟戮力一心以救社

稷陸贄贊授馬燧等招討河中制曰討除大慙節執金

非率戎寄 問不賓 威不警 鼓者所以持旌節執金

首惡 又撰命姚崇等北伐制曰朕聞上古聖王之

政理教之以戰陳之以兵蓋威不警而服不順也

匪安匪遊 無侮無拂 遊淮夷來求武夫滔滔匪安匪

興師以義 平國以禮 詩小戎注曰西戎者秦之臣

公上承天子之命率其國人往而征之故其從役者之

婦人先誇車甲之盛而後及其私情蓋以義興師則雖

甚及郊亦知勇于赴敵而無所怨矣左傳公及齊侯平

亂伐而不治亂也肯公伐苦取向非禮也平國以禮不

何治之有無治何以行禮 犯五不韙 備三有餘

左傳息侯伐鄭伯與戰於竟息師大敗而還君子是

以知息之將亡也度德不量力不親親不徵辭不察

不亦宜乎 不遑而伐 柳宗元辯戰伐論也 伐不踰時 克

不移朝 穀梁傳曰昔韓信以禪將伐齊有征無戰耿弇

以偏師討張 必因其變 不以為暴 尉繚子曰太公

步克不移朔 國必因其變示之財以觀其窮示之弊以觀其病上

下離若此之類是伐之因也 窮示之弊以觀其病上

儀爭論於秦惠王前錯欲伐也 善卒起兵伐蜀遂定蜀

一國天下不以為暴惠王曰善卒起兵伐蜀遂定蜀

務崇君德 勿暴民生 楚莊王伐之陳夏徵舒弑其君

討有罪遣卒戍陳申叔時曰今君王貪陳國也王乃罷陳

陳諸侯聞之以王為非誅罪人也貪陳國也王乃罷陳

也 立陳之後諸侯聞之皆朝於楚此務崇君之德者

謂彬曰南方之宋太祖欲伐江南曹彬與諸將入辭上

生民務廣威信使自歸順不須急擊也 萬里而伐

武功部 征伐



一人不戮漢書李廣利天子為萬里而伐不錄其過

戮一東馬懸車雁行魚貫管子云桓公用管仲計

馬踰太行與卑耳之蹊鮑昭出自蘆北門行曰徵

不勞而定惟斷乃成晉書杜預表請伐吳時帝與中

枰斂手曰吳主荒淫驕虐誅殺賢能當合討之先德

後刑一勞久逸賈賓王為兵部奏破設蒙儉等露布

可謂一勞而久逸封燕然山銘序曰茲書喻禍福忿

洩神人劉禹錫謝赴行營表曰裂帛繫書喻以禍福

以洩神人之忿以清邊徼日無私照人忘暫勞

波比戶晏而不閉趙子卿出師賦序曰國用長策人

忘暫無闕而後動無眾而後伐左傳宋人圍曹討

勞宋公曰文王問崇德亂而伐之軍三旬而不降退修教

而復代之因壘而降今君德無乃猶有所闕而以伐人

若之何不可始內省德乎無闕而後動又晉侯將伐虢

後伐之勤政樓受命通化門臨遣並詳征張

禦我誰與植髮成干將楊炎撰鳳翔出師頌序曰張

目成天羅拯民水火之中還師衽席之上上詳征

氣成風雲決江河漑燭火廓氛埃觀白日聖王之用

伐一非樂之也將以誅暴討亂也夫以義誅不義若決江

河而漑燭火不測而擠欲墮其克必矣張說為河

而待中流擊楫而誓違北伐祖逖進說曰大王誠能



發威命將使若淋等為之先主庶幾國取可雪帝乃以  
為奮威將軍豫州刺史渡江中流擊楫而誓曰祖述不  
能清中原而復濟者有如  
大江辭色壯烈眾皆慨歎  
晨斬關後漢書吳漢每當出師朝受詔夕引道夕捲旆  
大地盡閉雲朝關四紀連誅一朝蕩定  
收圖籍封府庫  
順天道因人心  
之幽贊于公異極李晟破朱泚露布曰堯舜禹湯之德  
兇戾又安生靈補雍熙之君或制五兵或張九伐蓋欲攘削  
睿算恭行天罰攝衣登壇明君親之大義馮牙宜社假  
神祇之  
幽贊  
杜牧賀平党項表曰箕宿馮牙狼星斂角戊日禱馬太  
白揚眉白帖賜王元逵詔曰清商已至鼙鼓聲雄白  
露將疑戈鉞色耀飛隼應節而逾厲已至鼙鼓聲雄白  
馬嘶風而自豪順天行討正在今日  
巢穴是空胎

卵皆覆 長鯨既戮封豕載屠 張說為河南郡王平契  
掩集柳城巢穴是空胎卵皆覆 韓世能俘斬雲南叛  
夷露布曰長鯨既戮封豕載屠數年鴟張之寇倏爾冰  
摧千里波濤之  
區儼然山峙

征伐四

肅將天威 書泰 秉明德以誅之 六韜太公曰失紂  
侮羣臣失百姓之心乘 兵行而雨 又武王伐殷諸侯欺  
明德以誅之誰曰弗克 韓詩外傳武王伐紂到邪丘天雨  
是洗罪甲 雨洗兵 三日不休武王懼召太公而問之  
曰紂未可伐乎太公 掩其不備 論衡曰太公陰謀書  
曰不然欲洗吾兵也 其車三千 其車三千 叛而伐之服而  
掩其不備 其車三千 其車三千 叛而伐之服而  
舍之 左傳楚君討鄭怒其貳而哀其卑叛而伐之服而  
武功部 德刑成矣伐叛刑也柔服德也德立刑成若



之何  
 敵之  
 子為  
 之越  
 之注  
 相著  
 曰有  
 妻俱  
 臣笑  
 國失  
 誅而  
 軍不  
 阻萬  
 長途  
 一伐  
 哲翼  
 方當  
 練師  
 簡卒  
 師簡  
 卒爰  
 整其  
 旅發  
 擗若  
 雷吐  
 氣成  
 雨

左傳曰越子伐吳吳子  
 禦之笠澤夾水而陳越  
 而進吳師分以禦  
 之吳師大亂遂敗  
 說苑曰趙簡子舉兵伐  
 齊有被甲者笑之簡子  
 曰當桑之時臣鄰夫與  
 不能還反其妻怒而去  
 不屠城不潛軍荀子曰  
 窮絕天阻云將軍窮憲書  
 後漢書金城塞羌反馬防遣司馬  
 彭將五千入從間道衝其心腹  
 太守公孫淵自立為燕王遣使  
 拜邊民韓忠曰曹公允恭明  
 寧靜四海汝君臣侮弄神器  
 淵大怒斬忠後果為太祖所滅  
 魏明帝樂府云我祖北征伐彼蠻虜練  
 假單于圍封拜邊民韓忠曰曹公允恭明  
 魏明帝樂府云我祖北征伐彼蠻虜練  
 假單于圍封拜邊民韓忠曰曹公允恭明  
 魏明帝樂府云我祖北征伐彼蠻虜練

晉書荀勗參文帝大將軍事時官騎路遺求為  
 刺客入蜀勗言於帝曰明公以至公宰天下宜  
 義伐貳  
 仗正義  
 賊非所  
 唐書曰  
 靜嚴軍  
 曰王者  
 本非其  
 慰其心  
 是江漢  
 崙關下  
 日高諸  
 恒俄有  
 過關與  
 蠢茲鳥  
 下虎符  
 于是司  
 穴邀其

晉書荀勗參文帝大將軍事時官騎路遺求為  
 刺客入蜀勗言於帝曰明公以至公宰天下宜  
 義伐貳  
 仗正義  
 賊非所  
 唐書曰  
 靜嚴軍  
 曰王者  
 本非其  
 慰其心  
 是江漢  
 崙關下  
 日高諸  
 恒俄有  
 過關與  
 蠢茲鳥  
 下虎符  
 于是司  
 穴邀其

晉書荀勗參文帝大將軍事時官騎路遺求為  
 刺客入蜀勗言於帝曰明公以至公宰天下宜  
 義伐貳  
 仗正義  
 賊非所  
 唐書曰  
 靜嚴軍  
 曰王者  
 本非其  
 慰其心  
 是江漢  
 崙關下  
 日高諸  
 恒俄有  
 過關與  
 蠢茲鳥  
 下虎符  
 于是司  
 穴邀其

晉書荀勗參文帝大將軍事時官騎路遺求為  
 刺客入蜀勗言於帝曰明公以至公宰天下宜  
 義伐貳  
 仗正義  
 賊非所  
 唐書曰  
 靜嚴軍  
 曰王者  
 本非其  
 慰其心  
 是江漢  
 崙關下  
 日高諸  
 恒俄有  
 過關與  
 蠢茲鳥  
 下虎符  
 于是司  
 穴邀其

武功部

尚書類函卷一百一十一

征伐

六



原詩後漢崔駰安封侯詩曰戎馬鳴兮金鼓震壯士激  
兮忘身命被光甲兮跨良馬揮長戟兮廓良弩 魏文  
帝於黎陽作詩曰千騎隨風靡萬騎正龍驤金鼓震上  
下千戚紛縱橫白旄若素霓丹旗發朱光追思太王德  
胥宇識足臧經歷萬歲林行行到黎陽 又詩曰朝發  
鄴城夕宿韓林霖雨誠塗輿人困窮載馳載驅沐雨櫛  
風舍我高殿何爲泥中在昔周武爰暨公旦載主而征  
救民塗炭彼此一時唯天所讚我獨何人不能靖亂  
又詩曰殷殷其雷濛濛其雨我徒我車涉此艱阻遵彼  
洄澹言刈其楚班之中路塗潦是御麟麟大車載低載

昂嗷嗷僕夫載仆載僵蒙塗冒雨露衣濡裳 又詩曰  
奉辭討罪遐征晨過黎山巉崢東濟黃河金營北觀故  
宅頓傾中有高樓亭亭荆棘繞蕃叢生南望果園青青  
霜露慘悽宵零彼桑梓兮傷情 又至廣陵馬上作詩  
曰觀兵臨江水水流何湯湯戈矛成山林元甲曜日光  
誰云江水廣一葦可以航不戰屈敵虜戢兵稱賢良  
王粲從軍詩曰從軍有苦樂但問所從誰所從神且武  
焉得久勞師相公征關右赫怒震天威軍中多沃饒人  
馬皆溢肥徒行兼乘還空出有餘資拓地三千里往返  
速若飛歌舞入鄴城所願獲無違 又詩曰涼風厲秋



洪金卷四百一  
節司典告詳刑我君順時發桓桓東南征汎舟蓋長川  
陳卒被隰垌征夫懷親戚誰能無此情哀彼東山人喟  
然感鶴鳴 又詩曰從軍征遐路討彼東南夷方舟順  
廣川薄暮未安坻白日半西山桑梓有餘暉蟋蟀夾岸  
鳴孤鳥翩翩飛征夫心多懷悽愴令吾悲 又詩曰率  
彼東南路將定一舉勳籌策運帷幄一由我聖君恨我  
無時謀譬諸具官臣鞠躬中豎內微畫無所陳許歷爲  
完士一言猶敗秦我有素餐責誠愧伐檀人雖無鉛刀  
用庶幾奮薄身 晉張華命將出征詩曰重華隆帝道  
戎蠻或來賓徐夷興有周鬼方亦違殷今在盛明世寇

虐動四垠單醪豈無味挾纊感至仁 宋孝武帝北伐  
詩曰表裏跨原隰左右御川梁月羽皎素魄星旗赭赤  
光 謝莊江都平解嚴詩曰肅旗簡廟律聳鉞暢乾靈  
朝晏推物泰通渥抃身寧擊轅歌至世撫壤頌惟馨  
又從駕頓上詩曰中權臨楚路前茅望吳雲冀馬依風  
蹀邊簫當夜聞 傅亮從武帝平閩中詩曰鞠旅揚城  
大蒐徐方旂旌首路元戎啓行弭楫洪河總轡崇岡  
又從征詩曰息徒西楚佇楫舊鄉止猶岳立動則雲翔  
烈烈羣師星言啓行汎舟掩河秣馬登芒 齊虞羲霍  
將軍北伐詩曰擁旄爲漢將汗馬出長城長城地勢險



萬里與雲平涼秋八九月虜騎入幽并飛狐白日晚瀚  
海愁雲生乘墉揮寶劍蔽日引高旌雲屯七萃士魚麗  
六郡兵胡笳關下思羌笛隴頭鳴天長地自久人道有  
虧盈未窮激楚樂已見高臺傾當令麟閣上千載有雄  
名 梁武帝宴詩曰止殺心自詳勝殘道未遍四主漸  
懷音九疑稍革面世治非去兵國安豈忘戰鈞臺聞史  
籍岐陽書記傳 簡文帝和武帝宴詩曰校尉開疎勒  
將軍定月支南通新息柱北屆武陽碑豫遊戲馬館教  
戰昆明池銀塘寫清渭銅鈎引直漪常從良家子命中  
幽并兒金鞍飾紫珮玉燕帖青驪車書今已共願奏云

亭儀

又詩曰祭壺今息鼓董案或開帷聊舉青龍陣

正取絳宮時搗兵隨後拒輶祭逐前師軍門初露節步

陳始分旗

**增**

又汎舟橫大江詩曰隴西四戰地羽檄

歲時聞護羌擁漢節校尉立元勳石門留鐵騎冰城息

夜軍洗兵逢驟雨送陳出黃雲 又詩曰滅竈驅前馬

銜枚進後兵沙飛朝似幕雲起夜疑城迴山時阻路絕

水亟稽程往年郵支服今歲單于平

**原**

梁元帝述懷

詩曰玉節威雲夢金鉦韻渚宮霜戈臨塹白日羽映流

紅單膠結猛將芳餌引羣雄箭擁淇園竹劍聚若耶銅

亟覩周王駿多逢鮑氏驄謀出河南賈威寄隴西馮谿

武功部

開監類函卷二百十一

征伐



雲連陣合却月半山空樓前飄密柳井上落疎桐差營  
逢霏雨立壘挂長虹 又和王僧辯從軍詩曰山虛和  
鏡管水靜寫樓船連雞隨火度燧象帶烽然洞庭曉風  
急瀟湘夜月圓荀令多文藻臨戎賦雅篇 吳均戰城  
南詩曰蹀躞青驄馬往救城南畿五歷魚麗陣三入九  
重圍為君意氣重無功終不歸 又詩曰陌上何誼誼  
匈奴圍塞垣黑雲藏趙樹黃塵埋隴根天子羽書勞將  
軍在玉門 又詩曰雜虜寇銅鞮征役去三齊扶山翦  
疎勒傍海埽沉黎劔光夜揮電馬汗書成泥何當見天  
子畫地取關西 又征客詩曰公卿來悵別葭聲在狹

斜玉樽浮雲蓋朱輪流水車鞞中懸明月劔杪照蓮花  
沈約正陽堂宴勞旋詩曰凱入同高宴飲至均多祐  
昔往歌采薇今來歡杖杜善戰惟我皇勝之不窺戶推  
轂授神謨餘壯終能賈浩蕩金壘溢周流玉觴傳 又  
出重圍和傅昭詩曰魯連揚一策陳平出六奇邯鄲風  
雨散白登煙霧維排雲出九地陵空振五厄 庾肩吾  
被使從渡江詩曰八陣引佳兵三河總鱸舳絳天揚遠  
旆雷野驅長轂夜劔動星芒秋潮驚箭服 劉孝儀從  
軍行詩曰冠軍親挾射長平夜合圍木落彫弓燥氣秋  
征馬肥賢王皆屈膝幕府復申威何謂從君樂往反速



如飛 北齊祖珽從北征詩曰翠旗臨塞道靈鼓出桑  
乾祁山斂霧霧瀚海息波瀾戍亭秋雨急關門朔氣寒  
方繫單于頸歌舞入長安 裴讓之從北征詩曰沙漠  
胡塵起關山烽燧驚皇威奮武略上將總神兵高臺朔  
風駛絕野寒雲生匈奴定遠近壯士欲橫行 周庾信  
和平鄴應詔詩曰天策弘神兵風飛埽鄴城陣雲千里  
散黃河一代清 陳伏知道從軍五更轉五首詩曰一  
更刁斗鳴校尉連連城遙聞射鵬騎懸憚將軍名二更  
愁未央高城寒夜長試將弓學月聊持劍比霜三更夜  
警新橫吹獨吟春強聽梅花落誤憶柳園人四更星漢

低落月與雲齊依稀北風裏胡笳雜馬嘶五更催送籌  
曉色映山頭城烏初起堞更人悄下樓 蘇子卿南征  
詩曰一朝遊桂水萬里別長安故鄉夢中近邊愁酒上  
寬劍鋒但須利戎衣不畏單南中地氣暖少婦莫愁寒  
陳沈炯從駕送軍詩曰惟堯稱乃武軒后號神兵弔  
民資智勇治亂屬師貞我君膺寶業歷駕視前英蒲海  
方無浪夷山有未平星光下結旆劍氣上舒精雲開萬  
里徹日麗百川明撫鼓山靈應詔躡水祗驚 張正見  
從軍詩曰將軍定朔邊刁斗出祁連高柳橫長塞榆關  
接遠天井泉含凍竭烽火映山然欲知客心斷危旌萬



里懸 又從軍詩曰胡兵屯薊北漢將起山西故人輕  
 百戰聊欲定三齊風前噴畫角雲上舞飛梯鴈塞秋聲  
 遠龍沙雲路迷燕然自可勒函谷詎須泥 唐虞世  
 南從軍行曰塗山烽候驚弭節度龍城冀馬樓蘭將燕  
 犀上谷兵劔寒花不落弓曉月逾明凜凜嚴霜節冰壯  
 黃河絕巖日卷征蓬浮天散飛雪全兵值月滿精騎乘  
 膠折結髮早驅馳辛苦事旌麾馬困重關冷輪摧九折  
 危獨有西山將年年屬數奇 楊州從軍行曰烽火照  
 西京心中自不平牙璋辭鳳闕鐵騎遶龍城雪暗彫旗  
 畫風多雜鼓聲寧為百夫長勝作一書生 又送劉校

書從軍詩曰天將下三宮星門召五戎坐謀資廟略飛  
 檄竹文雄 李嶠送駱奉禮從軍詩曰玉塞邊烽舉金  
 壇廟略申羽書資銳筆戎幕引英賓笛梅含晚吹營柳  
 帶餘春希君勒石返歌舞入城闔 陳子昂送崔融等  
 從梁王東征詩曰金天方肅殺白露始專征王師非樂  
 戰之子慎佳兵 儲光義同諸公送李雲南伐蠻詩曰  
 昆明濱滇池蠢爾敢逆常天星耀鈇鑕弔彼西南方冢  
 宰統元戎太守齒軍行囊括千萬里矢謨在廟堂耀耀  
 金虎符一息到炎荒蒐兵自交趾菱舍出瀘陽羣山高  
 嶺巖凌越如鳥翔封豕驟踰伏巨象遙披攘迴谿深天

武功部

崇監類卷三百十一

征伐



淵揭厲踰舟梁元武埽孤蜮蛟龍除方良雷霆隨神兵  
礪磔動穹蒼斬伐若草木繫縲同犬羊餘醜隱弭河啁  
啾亂行藏君子惡薄險王師恥重傷廣車設苴梁太白  
收光芒邊吏靜縣道新書行紀綱 岑參奉和杜相公  
發益昌詩曰相國臨戎別帝京擁旄持節遠橫行朝登  
劔閣雲隨馬曉渡巴江雨洗兵山花萬朶迎征蓋川柳  
千條拂去旌暫到蜀城應計日須知明主待持衡 李  
賀送秦光祿北征詩曰箭射欃槍落旗懸日月低榆稀  
山易見甲重馬頻嘶風吹雲路火雪汗玉關泥桃花連  
馬發綵絮撲鞍來呵臂懸金斗當脣注玉壘今朝擎劔

去何日刺蛟迴 宋謝翱上命將平南唐鏡歌鼓吹曲  
曰帝命將臣誓師于征伯牙于庭曰無劉我人曲阿惟  
唐以及豫章孽于南國楚粵是疆我師孔武聿禽其王  
始怒額頰將臣不懌曰如上命即起予疾弓韜于衣刃  
以不血收其石程焚其侈淫視于丁寧箬羽不飲取其  
鋪磬以獻于京于廟告成垓埏旣平 又平荆湖遣將  
騎吹曲曰天門雷動開風雲內前盡給羽林軍聖人神  
武授方略斬將搴旗各駿奔王師所過如時雨洗濯焦  
枯嚮荆楚重宣德意弔遺黎素服軍前釋俘虜 又下  
劔門遣將騎吹曲曰神風流霆驅偃草天兵夜下西南



道虎賁長戟來鳳州歸峽銜枚疾如掃 元張翥前出  
軍詩曰前軍紅衲袍朱絲繫彭排後軍細鎧甲白羽攢  
鞞鞞輜車左右馳萬馬擁長街送行動城郭斗酒飲同  
儕壯士當報國毋爲鄉故懷 又詩曰鍛鐵作佩刀磨  
石爲箭鏃超乘旣誇勇騁馬復齊足男兒不封侯百年  
同視肉 又詩曰京師少年子膽氣乃麤豪傾金售寶  
劍厚價買名刀結束往從軍談笑取功勞當時霍驃姚  
豈在學戎韜 又後出軍詩曰步卒愴楚健長刀短甲  
衣大叫前搏敵跳蕩如鳥飛左提血鬪髀右奪賊馬歸  
爾輩疾歸命將軍足天威 又詩曰總戎面如虎指顧

揮瑯戈馬蹄無賊壘手籌可填河王師本無敵安用戰  
圖多 明徐禎卿從軍行詩曰五壘神兵下玉門倒傾  
西海旄毳旛輕車夜渡交河水斬首先傳吐谷渾 孫  
一元贈李將軍征南詩曰上將原知敵全軍用伐謀折  
衝臨遠服仗鉞下南州千山迎劔氣萬里擁蛇矛羽檄  
飛前渡艤衝據上流驚鱗還自潰窮獸欲何投殺勢奔  
封豕威聲走怒彪潛兵分部伍歸路扼咽喉直須臨獠  
穴盡擬破蠻酋俘獻君門喜凱還道路謳將軍列茅土  
四海仰皇猷 唐順之南征歌曰詔錫彤弓出禁城良  
家六郡總從行將軍舊佩平蠻印校尉新開橫海營



又歌曰漢皇有道伏羌胡南粵何知擅一隅萬里出師  
將問罪不因大海富明珠

**原賦**後漢崔駰大將軍西征賦曰在昔上世義兵所克  
工歌其詩賢陳其頌書之庸器列在明堂所以顯武功  
也於是襲孟秋而西征跨雍梁而遠蹤陟隴阻之峻城  
升天梯以高翔旗旒翼如遊風羽毛紛其拂雲金光皓  
以奪日武鼓鏗而雷震 魏文帝述征賦曰建安十三  
年荆楚傲而弗臣命元司以簡旅予願奮武乎南鄴伐  
靈鼓之礮隱兮建長旗之飄颻躍卒甲之皓汗兮馳萬  
騎之瀏瀏揚凱悌之豐惠兮仰乾威之靈武伊皇衢之

遐通兮維天網之畢舉經南野之舊都聊弭節而容與  
遵往初之舊迹順歸風以長邁鎮江漢之遺民靜南畿  
之遐裔 曹植東征賦曰建安十九年王師東征吳寇  
余典禁兵衛宮省然神武一舉東夷必克想見振旅之  
盛故作賦曰登城隅之飛觀兮望六師之所營幡旗轉  
而心思兮舟楫動而傷情顧身微而任顯兮愧責重而  
命輕嗟我愁其何為兮心遙思而懸旌師旅憑皇穹之  
靈祐兮亮元勳之必舉揮朱旗以東指兮橫大江而莫  
御 應瑒撰征賦曰奮皇佐之豐烈將親戎乎幽鄰飛  
龍旗以雲曜披廣路而北巡崇殿鬱其嗟哦華宇爛而



泥金卷四百十一  
舒光摘雲藻之雕飾流輝采之渾黃辭曰烈烈征師尋  
遐庭兮悠悠萬里臨長城兮周覽郡邑思既盈兮嘉想  
前哲遺風聲兮徐幹西征賦曰奉明辟之渥德與遊  
軫而西伐過京邑以釋駕觀帝居之舊制伊吾儕之挺  
劣獲載筆而從師無嘉謀以云補徒荷祿而蒙私并小  
人之所幸雖身安而心危庶區宇之今定入告成乎后  
皇登明堂而飲至銘功烈乎旂常又序征賦曰余因  
茲以從邁兮聊暢目乎所經觀庶土之繆殊察風流之  
濁清沿江浦以左轉涉雲夢之無陂從青冥以極望上  
連薄乎天維刊梗林以廣塗填沮洳以高蹊擊循環其

萬般亘千里之長湑行兼時而易節迄元氣之消微道  
蒼神之受謝逼鶉鳥之將栖慮前事之既終亦何爲乎  
久稽乃振旅以復蹤沂朔風而北歸及中區以釋勤超  
栖遲而無依王粲初征賦曰違世難以迴折兮超遙  
集於蠻楚逢屯否而底滯兮忽長幼以羈旅賴皇華之  
茂功清四海之疆宇超南荆之北境踐周豫之末畿野  
蕭條而騁望路周達而平夷春風穆其和暢兮庶卉煥  
以敷蕤行中國之舊壤實吾願之所依當短景之炎陽  
犯隆暑之赫曦薰風温温以增熱體燧燧其若焚阮  
瑤紀征賦曰仰天民之高衢兮慕在昔之遐軌希篤聖



之崇綱兮惟弘哲而爲紀同天工而人代兮匪賢智其  
能使五材陳而並序靜亂由乎干戈惟蠻荆之作讐將  
治兵而濟河遂臨河而就濟瞻禹蹟之茫茫距疆澤以  
潛流經崑崙之高岡目幽蒙以廣衍遂霑濡而難量  
陳琳武軍賦曰赫赫哉烈烈矣於此武軍當天符之佐  
運承斗剛而曜震漢季世之不辟青龍紀乎大荒熊狼  
競以拏攫神實播乎鎬京於是武臣赫然颺炎天之隆  
怒叫諸夏而號入荒爾乃擬北落而樹表晞壘壁以結  
營百校羅峙千部列陳彌方城掩平原於是啓明戒旦  
長庚告昏火烈具舉鼓角並震千徒從唱億夫求和聲

旬隱而動山光赫奕以燭夜其刃也則楚金越冶棠谿  
名工清堅皓鏘脩刺銳鋒陸陷蕊犀水截輕鴻鎧則東  
湖闕鞏百煉精剛函師振旅韋人制縫弩則幽都筋角  
恒山壓榦通肌暢骨崇緼曲煙其弓則烏號越耗繁弱  
角端象弭繡質哲拊文身矢則申息肅慎箇籥空疏焦  
銅毒鐵麗轂撻輶馬則飛雲絕景直鬚騶駢駁龍紫鹿  
文的躡魚若乃清道整列按節徐行龍姿鳳峙灼有遺  
英 又神武賦曰建安十有二年大司空武平侯曹公  
東征烏丸六軍被介雲輜萬乘治兵易水次於北平可  
謂神武奕奕有征無戰者矣佇盤桓以淹次乃申命而



後征觀狄民之故上追大晉之遐蹤惡先穀之懲寇善  
魏絳之和戎受金石而弗伐蓋禮樂而思終陵九城而  
上濟起齊軌乎玉繩車軒轅于雷室騎浮厲乎雲宮暉  
曜連乎白日旌旒繼乎電光旆旣軼乎白狼殿未出乎  
盧龍威凌天地勢括十衝單鼓未伐虜已潰崩克俊馘  
首梟其魁雄爾乃總輯瓊珍茵氈慕幄攘瓔帶珮不飾  
彫琢華璫玉璫金麟牙琢文貝紫瑛縹碧元綠黼錦績  
組罽毼皮服 繁欽征天山賦曰素甲元燄皓旰流光  
左駢雄戟右攢干將彤旅朱增丹羽絳房望之如火燄  
奪朝陽華旗翳雲霓聚刃曜日鉉於是輶輶雲趨威弧

雨發鉦鼓雷鳴猛火風烈躍刃霧散虜鋒摧折呼吸無  
聞醜類剝滅 楊脩出征賦曰嗟夫吳之小夷負川阻  
而不庭肇天子之命公總九伯而是征整三軍而飭戒  
殄征夫而叛驚舫翼華以鱗集蒼鷹雜以星陳塞川原  
而上下蔽城隍而無垠於是州牧覆舟水衡戒事飭師  
就部乃講乃試信大海之可橫焉江湖之足忌公命臨  
淄守於鄴都侯懷大舜乃號乃暮茂國事之是勉兮歎  
經時而離居企歡愛之偏處兮獨搔首於城隅 晉陸  
士龍南征賦曰大安二年八月姦臣羊元之皇甫商敢  
行稱亂大將軍敷命羣后同恤社稷四方之會衆以百



萬粵十月軍次於朝歌講武治戎以觀兵于殷墟桓桓  
先征在河之涘順彼長道懸旌千里美王師之遵時茂  
七德而發止爾乃稅駕殷墟我徒旣閑順時講武薄狩  
于原紛同方而類聚煥副翼而明分祇明刑以誓衆習  
軍政于舊聞若溟海之引回流岱靈之吐行雲 宋傅  
亮征思賦曰逢休明之餘祐託菲薄于末暉旣致戎於  
皇幄亦彼已於宰闈傷鷄梁以載揚詠伐檀而屢思和  
風翕以首節零雨鬱而四漾津雲暖以合體墳衍杳其  
無封羨歸飛之能矯樂湍流之自東想和鑿之北徂企  
雲旗之西舉灑三川之積塵廓二嶠之重阻覲高掌于

華陽聆鳴鳳于洛浦 謝靈運撰征賦曰相國宋公兵  
于京甸次師于汴上曾不踰月二方獻捷天子感東山  
之劬勞使臣導于原隰余攝官承乏謬充殊役遂寫集  
間見作賦撰征惟上相之睿哲當草昧而經綸總九流  
以貞觀協五材而平分龜筮允臧人鬼同情順天行誅  
司典詳刑迅一翼以魚麗襄兩服而鴈逝陣未列于都  
甸威已振於秦荆詔微臣以勞問奉王命于河湄夕飲  
餞以俶裝旦出宿而言辭冒沈雲之晦藹迎素雪之紛  
霏眷轉蓬之辭根悼朔鴈之起越彼微物之疚情此思  
心而可歇 唐趙子卿出師賦曰莫高非天兮生我



聖人聰明運用兮不測惟神珍怪煙委而波屬蠻夷鳥  
狎而蟲馴粵若鬼方兮獫狁孔狡固陰沍寒兮陵我河  
津於是按玉劍而憑怒輝金戈而雷震禡蚩尤誓勾陳  
會白帝騎蒼麟天動地應羅羽衛而煌煌風咆雷鬪作  
笳鼓之殷殷別有哮悍之旅毅勇之賓爰自幽并而投  
石走巴楚而來臻鐵馬金甲虹旌霓輪鳴弦者飛鴈由  
其殞越揮戈者白日所以逡巡野氣蒼茫而助殺軍聲  
慷慨以含仁奮威則鯨鯢怛釁流詠則梟獍懷親 趙  
伯勵出師賦曰赫哉帝唐葉殷累聖神化無外鬼方獨  
迷皇赫斯怒元戎是出其制敵也以威其用師也以律

瑠戈電舉鐵騎風疾霜明鋒刃夕曜曜以衝星火色旌  
旗晝炎炎以彗日橫行有同于千里止步不過于六七  
桓桓大將黃石老之兵符赳赳武夫白猿公之劍術受  
賑者實在乎國英決勝者亦關於天斷固將以拒十角  
之猖狂豈止埽一隅之陵亂 陳山甫有征無戰賦曰  
皇威克宣疆敵無全始建牙而耀武終不殺而摧堅授  
師律以徂征鑿門而出指戎夷而向化掉鞅而旋靜難  
以仁勝殘以德綏懷未及方資弔伐之謀氛侵潛銷詎  
假貔貅之力命將必先於制勝數課寧勞於逐北三令  
著而狼野自清七德彰而梟心已息是知訓戎有律料



敵無遺乘地形而動衆順天討以行師於是指途而邊  
鄙革心按甲而兌渠授首向威懷而將順將血刃而何  
有當其蘊龍韜以啓路馳豹騎以清塵鄙身膏於草野  
笑血塗於車輪所以示專命柔遠人揚分闡之威無逾  
六月來有苗之類不俟七旬一舉干戈載橐弓矢 陳  
去疾王師如時雨賦曰惟唐十二葉盛德如春雖幽無  
不被而獷有未臣帝曰苟非我武焉能庇人於是考龜  
策諧諮詢投干戈於苗扈之地拯黎庶於塗炭之辰是  
師也以勝殘爲心以除暴爲主得周宣之薄伐非漢皇  
之黷武爾乃誓六師命吉甫鼓而出兮俯而取始天聲

乍發闕若雷霆終聖澤旁流霈如甘雨旣殲元惡不問  
其餘誠與之更始而待之如初簞食壺漿將爭先以邀  
路緇黃耆艾知弛負以寧居是以足蹈手舞怨釋憤攄  
洗心靈而沃若類草木之賁如始其聞金鼓之聲疑殺  
戮之謂及其蒙霑濡之賜衆乃歛歔以相慰曰豈圖汗  
俗猶軫聖心殷雲雷以作解與枯槁而爲陰濟濟烝徒  
一以貫乎睿旨顯顯唯類咸得滌其煩襟 章孝標王  
師如時雨賦曰念黎庶兮罹於毒痛我興師以翦屠如  
旱歲之稼穡得膏雨之霑濡草木之心寧慮曠其乾矣  
天人之意將同衛討邪乎至乃銳戈矛齊卒伍誠告虔



于上帝祈發生于下土龍旂電掣疑驅蔚矣之雲鼉鼓  
雷奔似送霈然之雨匪六師之是侵實百姓之爲心所  
謂謀臣如雨猛將如林馳之驅之似得時而將降六伐  
七伐謂決渠而就深知我者信號令如春不知我者疑  
甘澤隨輪一鼓而風雲作氣再麾而寰宇清塵

**著雅**唐柳宗元獻平淮夷雅曰皇者其武于澱于淮既  
徒既車環蔡其來狡衆昏聩甚毒于醒狂奔叫喚以扞  
大刑皇咨于度惟汝一德曠誅四祀其後汝克賜汝斧  
鉞其往視師師是蔡人以宥以釐度拜稽首廟于元龜  
既類既禡于社是宜我旆我旗于道于陌訓于羣帥拳

勇來格公曰徐之無恃額額式和爾容惟義之宅進次  
于郎彼昏卒狂哀兇鞠頑鋒蝟斧蟾赤子匍匐厥父是  
亢怒其萌芽以悖太陽王旅渾渾是佚是怙既獲敵師  
若饑得舖載闕載被丞相是臨弛其武刑諭我德心其  
危既安有長如林曾是謹饒化爲謳吟 又曰方城臨  
臨王卒峙之匪徼匪競皇有正命皇命于愬往舒余仁  
踣彼艱頑柔惠是馴愬拜即命于皇之訓既礪既攻以  
後厥刃王卒嶷嶷熊羆是式銜勇韜力日思奮殛汝陰  
之茫懸瓠之峨是拔是震大殲厥家狡虜既縻輸于國  
都示之市人即社行誅乃諭乃止蔡有厚喜完其室家



法鏡類考卷一百一十一  
仰父俯子汝水云云既清而瀾蔡人行歌我步逶遲  
**原**頌漢揚雄趙充國頌曰明靈惟宣戎有先零先零猖  
狂侵漢西疆既臨其域喻以威德有守矜功謂之弗尅  
請奮其旅于罕之羌天子命我從之鮮陽營平守節屢  
奏封章料敵制勝威謀靡亢遂尅西戎還師于京鬼方  
賓服罔有不庭 史岑出師頌曰茫茫上天降祚有漢  
兆基開業人神攸贊五曜宵映素靈夜歎昔在孟津惟  
師尚父素旄一麾混一區宇蒼生更始朔風變楚我出  
我師于彼四疆天子餞我輅車乘黃言念伯舅恩深渭  
陽 後漢班固竇將軍北征頌曰於是雷震九原電曜

高闕金光鏡野武旗冒日衝雞鹿塞名超黃磧輕選四縱  
所從莫敵 傅毅竇將軍北征頌曰建漢祖之龍興荷  
天符而用師曜神武于幽冀遇白登之重圍何獯鬻之  
桀虐自弛放而不羈哀昏戾之習性阻漢廣之荒垂命  
竇侯之征討躡衛霍之遺風奉聖皇之明策奮無前之  
嚴鋒採伊吾之城壁蹈天山而遙降曝名烈於禹跡奉  
旗鼓而來旋聖上嘉而褒寵典禁旅之戎兵內雍容以  
詢謨外折衝于無形惟倜儻以弘遠委精慮于朝廷一  
晉張載平吳頌曰聞之前志堯有丹水之陣舜有三苗  
之誅此聖帝明王平暴靖亂未有不用兵而制之也夫



太上成功非頌不顯情動于中非言不彰獫狁旣攘出  
車以興淮夷旣平江漢用作斯固先典之明志不刊之  
美事烏可闕歟遂作頌曰上哉仁聖曰惟皇晉光澤四  
表繼天垂胤帝道煥于唐堯義聲邈乎虞舜蠢爾鯨吳  
憑山阻水肆虐播毒而作豺虺菁茅闕而不貢越裳替  
其白雉正九伐之明典申號令之舊章布亘地之長羅  
振天網之脩綱制征期於一朝並箕驅而幕張爾乃拔  
丹陽之峻壁屠西陵之高墉日不移晷羣醜率從望會  
稽而振鐸臨吳地而奮旅衆軍競趨烽旄具舉挫其輕  
銳走其守禦

明宋濂平江淮頌曰虜魄旣褫扶創

而逸聚于湖奧僅存喘息我師見之千艦如龍似兔之  
走如鷹之從酣戰六時由辰及酉僕姑一發殪此酋首  
貫睛及顛仆若枯柳大憇旣除餘不能醜遞相告言我  
誠何心我去至暴我歸至仁 梁潛平安南頌曰際天  
極地無有小大以生以育惟帝是賴曰迪于彝帝則受  
之厥惟弗迪帝用糾之是曰天憲匪帝其私奉若天命  
以征弗順在江之西桂嶺之墟萬壘雲屯萬馬電趨王  
師未來虎穴狼區王師至止天開日晶兩都旣平四郊  
遂寧按兵止戈宣我皇德乃詔庶鰥載欣載悅 許國  
平倭頌曰於赫聖皇天覆遐裔島夷匪茹騷我東南乘



潮出沒倏如颺舉焚蕩虔劉哀此士女乃命虎臣肅將  
天威仗鉞于征秉旄以麾先機制勝伏險謀奇媒弋梟  
獍餌引鯨鯢妖黨外攜迷魂內懾天網四張覆披巢窟  
禽搜草薶隻艦不遺吳門越甸飽歌而嬉海波不揚京  
觀斯築民樂其生皇錫之福

**原表**北齊邢子才百官賀平石頭表曰大江設隘實限  
夷華前魏觀濤而退後魏登山而反聲教不通多歷年  
代今蒼雉奉職靈鼉自梁折葦為舟憑力可渡始知德  
通於物孟門失險道清將順劔閣自開行舉洞庭之樂  
放畜長洲之苑會玉帛于塗山樹銅柱於南極 梁劉

孝儀臨川王奉詔班師表曰臣有受服廟堂申威塞表  
既驅熊羆之衆兼秉帷幄之謀登濟河山夷滅趙魏將  
繫軼道之頸且屈渭橋之膝而元陰屈節祁寒方始降  
此慈弘愍茲介冑使燕然之石願勒而不刊函谷之土  
將封而莫遂雖荷杖杜之恩終慙采薇之旨 周庾信  
慶平鄴表曰臣聞太山梁甫以來即有七十二代龍圖  
龜書之後又已三千餘年雖復制法樹司禮殊樂異至  
於天籬武落剡木弦弧席卷天下之心包吞八荒之志  
其揆一焉政須東南一尉立於北景之南西北一候置  
於交河之北 **唐**柳宗元為裴中丞賀破東平表曰



臣聞負恩干紀者鬼得而誅犯順窮凶者天奪其魄靈  
旗四臨氛沴皆散克成不戰之功遂洽無爲之理  
**原**露布唐駱賓王爲兵部奏破逆賊楊虔柳露布曰四  
時行焉天道不能去殺五兵備矣皇業所以勝殘事切  
救焚苟順時而濟物恩深祝網不獲已而用兵逆賊豺  
狼有性梟獍難馴亂我天常負其地險峰危東馬路絕  
懸車臣遣劉會基等銜枚遠襲卷甲前驅偃危旆而設  
潛兵疑從天落乘間道而掩不備似出地中又遣高奴  
弗等涉南山之南衝其要害之路孫仁感等陵北山之  
北絕其飛走之途楊虔柳等振螳螂之力拒轍當輪肆

蚊蚋之羣彌山滿谷臣遣令狐智通等擁貔貅之雄順  
天機而左轉李大志等驅象犀之卒乘地軸以右迴又  
遣梁待璧等總投石超距之材蹈中權而拊其背康留  
買等騰躍鐵歎金之騎犯前矛而扼其喉臣率許懷秀  
等橫玉弩以高臨縱金鉦而直進澄氛廓祲迴夏景以  
潰春冰滅跡掃塵若霜風之捲秋籜楊虔柳等殞死行  
陣懸首旌門昔魏臣賦蜀徒聞蒟醬之奇漢使開邛纜  
通竹杖之利豈若膺紫泥而弔伐指丹徼以臨戎一戰  
孟獲已擒再戰哀牢授首斯皇靈遠暢廟略遐宣奉元  
德以配天徒知帝力掩黃輿而闢地豈曰臣功明于



慎行閩廣平賊露布曰匹夫造滔天之孽將則必誅上  
帝有激電之威兵誰能去故雖無爲之治亦多不戰之  
征妖賊曾一本等沐魚鳥之波濤依狐鼠之城社遂使  
煙迷合浦鮫人泣明月之珠烽舉番禺估客棄桃枝之  
簞旣成梟獍之凶可緩鯨鯢之戮臣等仰承聖武祇奉  
王猷嚴興六月之師薄示三苗之討碧幢紅旆飛蓋海  
之樓船犀甲熊旗誓登壇之將士未鼓而人心激厲雷  
霆震瘴雨之鄉先庚而器械精明霜雪灑炎風之地某  
秉中權而下令分外聞以臨戎左顧而合兵七閩倚劍  
扶桑之窟右指而宣威百粵鳴弓銅柱之崖某總長弋

勁弩之兵揚旆泉漳境上某率鶴膝鮫函之士陳兵潮  
惠城邊軍聲大振于前矛從天而下賊勢應摧于破竹  
無穴可藏雙輪勢迫羣兇甘涿野之誅尺組功高渠首  
縛轅門之下自觸凝霜之典何傷時雨之師

**增**碑唐韓愈撰平淮西碑文曰帝有恩言相度來宣誅  
止其魁釋其下人蔡之卒夫投甲呼舞蔡之婦女迎門  
笑語蔡人告饑船粟往哺蔡人告寒詔賜繒布始時蔡  
人禁不往來今相從戲里門夜開始時蔡人進戰退戮  
今眠而起左餐右粥爲之擇人以牧餘億選吏賜牛教  
而不稅蔡人有言始迷不知今乃大覺羞前之爲蔡人



有言天子明聖不順族誅順保性命汝不吾信視此蔡方孰為不順往斧其吭凡叛有數聲勢相倚吾強不支汝弱奚恃其告而長及汝父兄奔走來借同我太平淮蔡為亂天子伐之既伐而饑天子活之始議伐蔡卿士莫隨既伐四年大小並疑不赦不疑由天子明凡此蔡功惟斷乃成

**原啓**齊王融答敕撰漢武北伐圖賦啓曰臣聞情蓄自中事符則感象構於始機動斯彰但九祀一逢休明難再常願待詔朱闕俯對青蒲澄瀚海之恒流埽狼山之積霧係單于之頸屈左賢之膝然後天移雲動升封岱

宗咸五登三追蹤七十 又勸高帝北伐啓曰雖窮鳥必豕固等命於良鶉困獸斯驚終並懸於厨鹿若籍巫漢之歸師騁士卒之餘憤取函河如反掌凌關塞若摧枯 梁簡文帝慶洛陽平啓曰自函洛榛曠獯獪薦食久絕正朔之風不覩輜軒之使乘此戰心負斯戎足每興潘燧之警常勞守障之民自非聖略弘宣天網遐頓豈能使漢地盡收名王爭入方令九服大同萬邦齊軌亭塞寢兵關候罷柝臣誠兼家國倍深歡慶 劉孝綽求豫北伐啓曰或以臣素無飛將之目未從嫖姚之伍言易行難收功理絕然桓冲稱謝安無將略文靖公遂



破符堅山濤謂羊祜不強建成侯卒平孫皓微臣之譬  
兩賢誠無等級小虜之方二寇勢踰枯朽 **唐元稹**  
賀裴相公破淮西啓曰投石之卵雖危拒輪之臂猶奮  
賴閣下忠誠憤激親自拊巡靈旗一臨餘沔雷埽此所  
謂俟周公而後淮夷服得元凱而後吳寇平

**原**賤晉陸機至洛與成都王賤曰王室多故禍難薦有  
羊元之乘寵凶豎專記朝政姦臣賊子是為比周皇甫  
商同惡相求共為亂階至今天子飄飄甚於贅瘤伏惟  
明公匡濟之舉義命方宣元戎既啓風威電赫機以驚  
暗文武寡施猥蒙橫授委任外梱輒承嚴教董率諸軍

唯力是視 桓温與撫軍賤曰北胡肆逆四十餘載傾  
覆社稷毀辱陵廟遇其可亡之會實是君子竭誠小人  
盡力之日也江東雖為未豐方之古人復為未儉少康  
以一旅之衆興復祖宗先武奮發中興漢室况以大晉  
之祚樹德長久兼百越沃野之資據江漢山海之利鹽  
鐵寶帛之饒角竿羽毛之用收英賢之略盡兵民之力  
賊之強也猶復遵養時晦及其斃也不齊力掃滅則大  
賊何由而自平大恥焉得而自雪臨紙惆悵慨歎盈懷  
**原**書魏曹植與司馬仲達書曰今賊徒欲保江表之城  
守區區之吳爾無有爭雄於宇內角勝於平原之志也

武功部

游鑑類事卷一百一十一

征伐

三



故其俗蓋以洲渚爲營壁江淮爲城塹而已若可得挑  
致則吾一旅之卒足以敵之矣蓋弋鳥者矯其矢釣魚  
者理其綸此皆度彼爲慮因象設宜者也今足下曾無  
矯矢理綸之謀徒欲候其離舟伺其登陸乃圖并吳會  
之地收陳野之民恐非主上授節將軍之心也 梁簡  
文帝答湘東王慶州牧書曰雖心慕子文申威涿郡意  
存士雅慷慨臨江而不能遂封狼居之山永空幕南之  
地逐北聊城追奔瀚海必欲卷綬避賢辭病收迹  
**原論**漢吾丘壽王驃騎論功論曰驃騎將軍霍去病征  
匈奴立克勝之功壽王作士大夫之論稱武帝之德曰

士或問于大夫曰側聞強秦之用兵也南不踰五嶺北  
不渡大河海內愁怨以喪其國漢興六十餘載矣命將  
帥以抗憤用干戈於四荒南排朱崖北建朔方東越滄  
海西極河源拓地萬里四海晏然鄙人不識敢問其蹤  
大夫曰昔秦之得天下也以力而不以德以詐而不以  
誠內用商鞅李斯之謀外用白起王翦之兵窺間伺隙  
既并海內之後以威力爲至道以權詐爲要術遂非唐  
笑虞絕滅舊章防禁文學行是古之殘嚴誹謗之謀十  
餘年遂滂沱而盈溢是故皇天疾滅更命大漢反秦政  
務在敦厚至今六世可謂富安天下文明四夷向風徒



觀朝廷下僚門戶之士謀如湧泉動如駭機皆能安中國吞四夷君臣若茲何慮而不成何征而不尅雖拔泰山填滄海可也 魏王粲三輔論曰湘潛先生江濱逸老將集論雲夢元公豫焉先生稱曰蓋聞戎不可動兵不可揚今劉牧建德垂芳名烈旣彰矣曷乃稱兵舉衆殘我波靈逸老曰是何言與天生五材金作明威長沙不軌敢作亂違我牧覩其然乃赫爾發憤且上征下戰去暴舉順州牧之兵建拂天之旌鳴振地之鼓元胄曜日犀甲如堵以此衆戰孰能嬰御劉牧之懿子又未聞乎履道懷智休迹顯光灑埽羣孽艾撥穢荒走素術於

西境馘射貢乎武當遏孫堅於漢南追楊定於折商

**增**唐柳宗元辯侵伐論曰春秋之說曰凡師有鐘鼓曰伐無曰侵伐者聲其惡於天下也必有以饜于天下之心夫然後得行焉古之守臣有賸人之財危人之生而又害賢人者內棄于其人外棄于諸侯從而伐焉動必克矣然猶備三有餘而用其人一曰義有餘二曰人力有餘三曰貨食有餘三者大備又立其禮正其名修其詞故師不踰時而功成焉斯爲人之舉也故公之而鐘鼓作焉侵者獨以其負固不服而壅王命也內以保其不外不犯於諸侯其過惡不足暴於天下致文告脩文



德而又不變然後以師問焉是為制命之舉也非為人  
之舉也故私之而鐘鼓不作斯聖人之所志也

淵鑑類函卷二百十一

此處為多欄空白，僅有極淡的印文或字跡。

淵鑑類函卷二百十二

武功部七 軍容 兵勢

軍容一

**驪** 四驪彭彭 四驪翼翼 詩大明牧野 洋洋檀車煌煌

**原** 四牡騤騤 駟介庶庶 詩采芑方叔率 駕彼四

清人在消 介庶庶 又清人 央央旂旐 悠悠旆旌 詩采芑

車三十旂 旐介庶 又車 元戎十乘 屯騎千營 六

攻蕭蕭馬鳴 悠悠旆旌 又車 魏高貴 革車千乘 長戟

鄉公四言 詩之舟萬艘 屯騎千營 應 武騎千隊 戎

百萬 左傳大蒐於 紅車千乘 應 武騎千隊 戎

車萬 且多糧穀 雖武騎千隊 無所用也 傅元魏德

武功部 淵鑑類函卷二百十二 軍容



頌戎車萬里 旗幟蔽野 千戈若林 後漢光武紀王

城圍之數十重 列營百數 雲車十餘丈 陳臨城中 旗幟

千戈若林 雷輜蔽路 百兩

彌塗 班固封燕然 銘曰 元戎輕武 長轂四分 雷輜蔽

連衡 朱騎 戎車齊軌 雄戟耀銜 陳琳武軍賦 百兩

馳驅 落層城 戎車齊軌 左思吳都賦 羽

毛揚 徒馬 駢足 戎車齊軌 左思吳都賦 羽

朱旗絳天 鐵甲霜野 雲布 控弦 萬乘 選徒 萬

鋌彗雲 鼓鼙沸野 羽旄 歸雲 旌旗 拂天 蘇頌 撰命

孤劔颯馳 班固東都賦 輕車電激 驍騎電驚 千乘雷

動 萬戟林行 張衡 西京賦 千乘雲動 萬騎龍趨 軍

如鄧林 兵皆武庫 劉楨 詩曰 發鄧城 東暮次 溟水 旁

佩戈颯沓 左思 蜀都賦 並乘 驥子 俱服 魚文 元黃 異

差佩吳戈 參 冀馬追風 吳騶走練 風吳戈 照日

李太白 獵賦 千騎 騰蹄 萬乘 金鏡 日 樓船 掩江

雷奔 吳駿 走練 宛馬 蹀血 乘 素甲 生波 白羽 森

陸機 云 金鏡 日 雲 旗 絳 天 蔽 汎 趙子 行馬 流星

月 江淹 云 伏波 樓船 掩江 蔽 汎 趙子 行馬 流星

援戈揮日 庾信 云 觀書 虎館 學劍 龍亭 雕弓 偃月 列

武功部 詳鑑類書卷一百一十一 軍容



旗虹指 長戈岳立 駱賓王露布列旗影以雲舒似長

軍容 西流 胡填大閱 賦兵勢崩騰 介馬雲羅 虹旗

電掣 張說露布婁師德等兵車星布 巡太行而綴碣石

旗行洗晴野之寒霜 劍躍長虹弓翻滿月 戈翻

落日 劍決浮雲 東征序霓旌 陳子昂送崔融等從梁王

蒙輪之勇 神旂電舒威弧雨發 楚劍霜利吳鈞月

懸 上見玉海 趙伯勵出師賦序 楚劍霜利吳鈞月

軍容二 軍容不入國 司馬法古者國容不入軍軍容不入國

增 山布星陳 陳琳武軍賦整行按律決敵 楊柳春

旗一色 庾信馬射賦序千乘雷動萬騎雲屯 壓灞水

之瀾 霸水之波 瀾士馬無聲 悄棘門之風日 獵霞張

旆 李庾西都賦親兵百萬 制以神策紫身 沸若雲海

聚如雪山 常袞賀收 戈迴白日 劍薄雲天 聖功德裕紀

甲開魚照水 許渾蒜山 津觀發軍詩 甲 旗幟鎧仗

如馬色 五代史唐本紀明宗馬為兩陣 旗幟鎧仗皆如馬

色 晉兵望之皆懼 莊宗舉鍾以飲 嗣源曰 望引鍾飲 白

奮 擗騎犯其白馬 挾 徒飾其外 又周德威傳 天祐

二 裨將而還 梁兵敗 乞師于晉 遣德威先屯 趙州 晉

兵少而景仁所將皆梁精兵 人馬鎧甲 飾以組 繡金銀

其光耀 日晉軍望之色 動德威 勉其眾 曰 此亦宋傭販

兒徒飾其外耳 其中不足懼也 其一甲之直 數十千得

武 附 監 貢 卷 第 百 一 十 二

軍容



之適足為吾資無徒望  
而愛之當勉以往取也  
迎謁纔贏弱二百人玠曰  
變對曰夔兵非不精所以  
之班聲如雷江水為沸聲  
森然沙上之人彌望若林  
戰掉失色而珩自若也  
徐徐命史以差次班賞  
日月以爭明瘴雨蠻  
煙朗乾坤而再覩

兵勢一

原動天地 若鬼神 國語吳王會晉於黃池既陳去晉  
鼓丁寧箐于振鐸勇怯盡應三軍皆譁鉦以振旅其聲  
動天地晉師大駭不出 淮南子云用兵之道先忤而  
後合前冥而後明若鬼神之無跡若水之  
無創故所向非所也所見非所謀也 如決潰  
若振槁 齊史記蘇代遺穰侯書曰夫齊罷國也 左思吳都

賦麾城若振槁 如風如火 如雷如霆 孫子云兵疾  
如狼如虎如火如風如雷如霆並詳論兵三節如  
發機 勢如轉圜 孫子兵勢篇善戰者其勢險其節短  
如轉圜石于 攻如河決 攻如電擊 三略軍識曰良  
千風總帥攻如師攻如電擊戰如風行 氣如飄風  
氣如通雲 淮南子此謂氣勢 揚聲如雷集聲如雷  
如通 乘風附景 震天駭地 銳氣深入之時朝發夕  
息數千萬里雖乘風附景不足擬其迅也 孫子朝  
與孫皓書士卒奔騰其會如林煙塵俱起震天駭地  
感騰波流 雲行風動 揚機駭鋒軼疾如奔星擊如雷  
雲行 王統司空穆侯頌 免走鳧舉 鶚下鷹擊 春氏  
武功部 日益頁白卷一百一

武功部 日益頁白卷一百一  
兵勢 日



凡兵欲急疾而不可久處知其不可久處則知所免起

息舉死歿之地矣桓範簡論退則下鷹擊詳騎

而高下在以此行事無異鼓鴻毛以燎龍驤虎

伐朝菌風振秋蓬說苑蕭斧以伐朝菌也何法

以振猛虎驅羊烈霜委草驅羣羊衝風之飛猛虎之

推枯枝烈霜之委衰草如山壓卵似雪投湯蘇武

如秦山壓卵也後漢書鄧禹曰以張五岳壓枯

千鈞壓卵枯朽唐子云鼓洪爐以燎毛髮傾五岳以壓

駭轟嘈囂味咤彭蠡懼陳武軍賦云駭轟嘈囂如雲

不可當禦增破竹以建瓴晉書杜預拜鎮南大將

衆軍會議或曰今向暑水潦方降疾疫將起宜俟來冬  
 更爲大舉預曰昔樂毅藉濟西一戰以并強齊今兵威  
 已振譬如破竹數節之後皆迎刃而解無復著手處也  
 遂指授羣帥徑進林陵所過城邑莫不束手李筌太  
 白陰經夫善用兵者以水爲勝以地爲謀取乃乘五  
 勢之戰人者如建瓴水于高宇之上無復滯留乘五  
 勢蕩四海由勢鈴經耳勢篇五成者有五非人之勇怯也率  
 氣勢三曰假勢以隨勢五曰地勢用兵者乘此五勢  
 未有不虛散兵出逐北而建大功也勢用兵者乘此五勢  
 衆聚不虛散兵出逐北而建大功也勢用兵者乘此五勢  
 泰山不蕩四海鬼神移徙鳥獸驚駭如動則野無校表坎  
 無守却河流振屋瓦李商隱賀幽州破奚寇表坎  
 城矣皆飛秦軍鼓譟勒兵三鼓而河自却聲六校而  
 武安屋瓦盡振詳攻戰二兵山苞川流風行電照  
 大雅如山之苞如川之流後漢書建武十一年吳漢  
 進營通成都臧宮連屠大城兵馬旌旗甚盛乃乘兵入  
 小將郭門歷成郡城下至吳漢營飲酒高會漢  
 武曰將軍向者經旁城下震揚威靈風行電照

兵勢

五



霧合 岳動川移 盧思道云虎夫萬隊豹騎千羣骨勇  
平齊韋孝寬乃上疏陳三策其一曰諸軍各募關河之  
外勁勇之士厚其爵賞使為前驅岳動川移雷駭電激  
百道俱進所向摧殄 雷震岳立 山傾河泄 動如雷震  
旗奔潰所向摧殄 于公異露布謹諫之聲 龍翔鳥飛  
山傾而河泄 于公異露布謹諫之聲 龍翔鳥飛  
激電驚 也 雲海龍翔鳥飛 忽若神車徒奮也 崩山決塘  
殷天動地 若崩山子決塘敵孰敢當 用上兵也 威之所加  
起殷天 陵天振地 蕩海拔山 淹云先 天蓋世之略 江  
蕩海拔山 之威 六 折枯湯雪 拉朽摧冰 南漢書皇  
師雲起九軍星連 強易子折枯消堅易于湯雪 既破  
黃中閣忠曰將軍摧強易子折枯消堅易于湯雪 既破  
海王越舉兵下邪孫惠詭稱南嶽逸士秦秘之以書于  
越曰履順討逆執正伐邪是烏獲摧冰賁育拉 以湯  
朽猛虎吞狐泰山壓卵因風燎原未足方也

沃雪 投石糜穀 沛南子兵略訓善者之動也當以生  
邊以水滅火若以湯沃雪何往而不遂 鄒緝清 猛  
獸吞狐 窮魚餓鯨 上詳拉朽注 李白詩 困 決水  
千仞 揚兵九天 孫子車形篇勝者之戰若決積水於  
九天之上 決勝 電埽八紘 鋒摧九虎 後周書建德  
於千里之中 時與命據有汾漳朕以享毒為心遂敦聘好  
曰高氏因時與命據有汾漳朕以享毒為心遂敦聘好  
務息黎元而彼背言負信竊邑藏姦朕當親御六師躬  
行天罰憑祖宗之靈資將十之風馳九霄電埽八紘  
可分命眾軍指期進發 庾信云置陣成臯連旗廣武  
箭超六虛 犀兕其威 江山失險 威崩雷電 魏徵云負  
鋒摧九虛 犀兕其威 江山失險 威崩雷電 魏徵云負  
七鼓而亭障無聲 勢傾海岳 威崩雷電 魏徵云負  
圖 李 之壯氣志逸風騰勢傾海 力簸窮海 氣  
武功部 瑞監類函卷一百十二 兵勢 六



衝南斗蘇頌命呂休環等北伐制力斂窮海聲壓大  
雲結陣影密西郊赤董揮鋒氣衝南斗風鶴皆晉兵草木盡王師  
列傳符堅進屯壽陽列陣臨肥水謝元以精銳八千涉  
渡肥水決戰堅不可勝計餘衆棄甲宵遁聞風聲鶴唳皆  
藉投水死者不可勝計載記晉龍驤將軍劉牢之率勁  
以爲王師已至晉書戴記晉龍驤將軍劉牢之率勁  
辛五夜襲梁成壘克之謝石等以旣敗梁成水陸繼  
進符堅與融登城而望王師見部陣齊整將士精銳又  
北望八公山草木盡類人形顧謂奔牛觸魯縞衝  
融曰此亦勅敵也無然有懼色風卷秋葉  
風卷秋葉梁元帝云如駟馬之轟鴻毛奔牛之觸魯縞  
毛旗鼓所臨衝迅電不及瞑目疾雷不及塞耳龍  
太公曰疾雷不及掩耳迅電不及瞑目赴之若決滄  
驚用之若狂當之者破近之者亡孰能禦之若決滄  
海濯殘熒回夏景潰春冰軍決滄海而濯殘熒舉崑

崑而壓小卯駱賓王露布五部材雄三河俠少叱咤  
則江山搖蕩慷慨則林壑飛騰舉鵬翼以揚威耀羣渠  
而賈勇澄氣廓復回復景以貫春叱咤則江山搖蕩  
水滅跡掃塵若霜風之卷秋籜駱賓王露布  
呼吸則海嶽沸騰駱賓王露布  
兵勢二

動猶風雨齊都賦五家之兵動奔越驚風又精逸  
裁驚魏都賦席卷魏都賦破浪勢均破浪攻  
則前淹生風暗鳴則左右擊電破浪  
河若決

易曰乘其墉弗克攻吉象曰乘其墉義弗克也其吉  
攻戰



則困而反則也。書曰兼弱攻昧取亂侮亡推亡固存邦乃其昌。尚書大傳曰戰者憚驚之也。原左傳曰凡師皆陳曰戰。禮又申叔時曰德刑詳義禮信戰之器也德以施惠刑以正邪詳以事神義以建利禮以順時信以守物民生厚而德正用利而事節時順而物來上下和睦周旋不逆求無不具各知其極是以神降之福時無災害民生敦龐和同以聽此戰之所由克也。穀梁傳曰倍則攻敵則戰少則守。太公武韜曰與人同病相救同情相成同惡相助同好相趣故無甲兵而勝無衝機而攻無溝塹而守。又龍韜曰善戰者不

待張軍善除患者理於未生勝敵者勝於無形上戰無與戰。司馬法曰古者以仁為本以義治之之謂正正不獲意則權權出於戰不出於中人是故殺人安人殺之可也攻其國愛其民攻之可也以戰止戰雖戰可也故仁見親義見說智見恃勇見方信見信內得愛焉所以守也外得威焉所以戰也戰道不違時不歷民病所以愛吾民也不加喪不因凶所以愛夫其民也冬夏不興師所以兼愛其民也故國雖大好戰必亡天下雖安亡戰必危。老子曰善為士者不武善戰者不怒善戰勝者不與善用者為下。孫子曰攻其無備出其不



意 又曰百戰百勝非善之善者也不戰而屈人之兵  
善之善者也故上兵伐謀其次伐交其次伐兵其下攻  
城攻城之法爲不得已 又曰知彼知己百戰不殆不  
知彼而知己一勝一負不知彼不知己每戰必敗 又  
曰昔之善戰者先爲不可勝以待敵之可勝不可勝者  
守也可勝者攻也守則不足攻則有餘善守者藏於九  
地之下善攻者動於九天之上故能自保而全勝也  
又曰凡先處戰地而待敵者佚後處戰地而趨戰者勞  
故善戰者致人而不致於人我欲戰敵雖高壘深溝不  
得不與我戰者攻其所必救也我不欲戰雖畫地而守

之敵不得與我戰者爭其所之也故形人而我無形則  
我專而敵分我專爲一敵分爲十是以十攻其一也故  
知戰之地知戰之日則可千里而會戰 吳子曰有四  
不和不和於國不可以出軍不和於軍不可以出陣不  
和於陣不可以進戰不和於戰不可以決勝有道之主  
將用其民先和而後造大事 尉繚子曰吾用天下之  
用爲用吾制天下之制爲制修吾號令明吾刑賞使天  
下非農無所得食非戰無所得爵使民揚臂爭出農戰  
而天下無敵矣 又曰戰者必本乎率身以勵衆士如  
心之使四肢也志不勵則士不死節士不死節則衆不



戰 荀子曰戰如守行如戰有功如幸 淮南子曰廟  
戰者帝神化者王廟戰者法天道也神化者法四時也  
修政於境內而遠方慕其德制勝於未戰而諸侯服其  
威內政治也夫戰而不勝者非鼓之日也素行無刑久  
矣故得道之兵車不發軔刃不嘗血賈不去肆農不離  
野招義而責之大國必朝小城必下因民之欲乘民之  
力而爲之去殘除賊也 漢書趙充國奏曰臣聞戰不  
必勝不苟接刃攻不必取不苟勞衆 蜀書馬謖傳註  
曰謖云用兵之道攻心爲上攻城爲下心戰爲上兵戰  
爲下 魏書鄧艾上言曰國之所急惟農與戰國富則

兵彊兵彊則戰勝然農者勝之本也孔子曰足食足兵  
食在兵前也 唐書曰李光弼用兵謀定而後戰能以  
少覆衆 又曰張巡用兵未嘗依古法勒大將教戰各  
出其意或問之答曰古者人情敦樸故軍有左右前後  
大軍居中三軍望之以齊進退今胡人務馳突雲合鳥  
散變態百出故吾止使兵識將意將識士情上下相習  
人自爲戰耳 宋史曰岳飛遷秉義郎隸留守宗澤澤  
大奇之曰爾勇智才藝古良將不能過然好野戰非萬  
全計因授以陣圖飛曰陣而後戰兵法之常運用之妙  
存乎一心 又曰高宗嘗問勝敵之術吳璘曰弱者出



戰強者繼之高宗曰此孫臏三馮之法一敗而二勝矣  
遼史兵衛志曰每軍行未遇大敵不乘戰馬俟近敵  
師乘新羈馬蹄有餘力成列不戰退則乘之多伏兵斷  
糧道冒夜舉火上風曳柴饋餉自賫散而復聚善戰能  
寒此兵之所以強也 許汭虎鈴經曰襲虛之術有二  
曰因曰誘何謂因曰敵盛兵所向我亦佯應之別以精  
兵潛出虛地或攻其壘或斷其後或焚其積聚何謂誘  
曰欲敵之要地則不攻而攻鄰大其攻具盛其師旅以  
誘敵兵敵兵到則勿與戰復于壁守潛以精銳襲所兵  
之城而掩其內

攻戰二

**左傳**曰楚子伐隨軍於漢淮之間季梁請下之弗許  
而後戰所以怒我而怠寇也隨侯弗從戰於速杞敗績  
**原**又曰齊師伐我戰於長勺公將鼓之曹劌曰未可  
齊人三鼓劌曰可矣齊師敗績公將馳之劌曰未可下  
視其轍登軾而望之曰可矣遂逐齊師既克公問其故  
對曰夫戰勇氣也一鼓作氣再而衰三而竭彼竭我盈  
故克之夫大國難測也懼有伏焉吾視其轍亂望其旗  
靡故逐之 **管**又曰晉侯將伐虢士蒍曰禮樂慈愛戰  
所畜也夫民讓事樂和愛親哀喪而後可用也虢弗畜



也亟戰將饑 又曰楚使廬戢黎侵庸及庸方城庸人  
逐之師叔曰姑又與之遇以驕之彼驕我怒而後可克  
又與之遇七遇皆北唯裨僚魚人實逐之庸人曰楚不  
足與戰矣遂不設備楚子乘驛會師於臨品分爲二隊  
子越自石溪子貝自仞以伐庸遂滅庸 史記曰秦伐  
韓軍於闕與趙惠文王令趙奢將救之兵去邯鄲三十  
里秦軍鼓譟勒兵武安屋瓦盡振奢堅壁留二十八日  
不行復益增壘秦間來入奢善食而遣之既遣秦間乃  
卷甲而趨之二日一夜至今善射者去闕與五十里而  
軍秦人悉甲而至軍士許歷曰其來氣盛將軍必厚集

其陣以待之又曰先據北山上者勝奢許諾即發萬人  
趨之秦兵後至爭山不得上奢縱兵擊之大破秦軍趙  
王賜奢號爲馬服君 又曰秦王齧攻趙趙使趙括代  
廉頗將以擊秦秦乃陰使武安君白起爲上將軍而王  
齧爲尉裨將趙括至則出兵擊秦軍秦軍佯敗而走趙  
軍追造秦壁壁堅不得入而秦奇兵二萬五千人絕趙  
軍後又一軍五千騎絕趙壁間趙軍分而爲二糧道絕  
而秦出輕兵擊之射殺趙括括軍敗卒四十萬人降武  
安君 後漢書曰建武初詔耿弇進討張步步使其大  
將費邑軍歷下又分兵屯祝阿別於泰山鍾城列營數



十以待奔奔先擊祝阿拔之故開圍一角令其衆得犇  
歸鍾城鍾城人空壁亡去邑分遣弟敢守巨里奔先脅  
巨里嚴令軍中趣修攻具宣敕諸部後三日當悉力攻  
巨里城陰緩生口亡歸以奔期告邑邑至日果自將來  
救奔曰吾所以修攻具者欲誘至邑耳即分三千人守  
巨里自引精兵上岡阪乘高合戰臨陳斬邑旣而收首  
級示巨里城中費敢悉衆亡歸張步遂定濟南 又曰  
建武初帝使王霸與捕虜將軍馬武東討周建于垂惠  
蘇茂將五校兵救建從城中出兵夾擊武武軍奔過  
霸營大呼求救霸曰賊兵盛出必兩敗努力而已軍吏

皆爭之霸曰捕虜與吾相恃此敗道也今閉營固守示  
不相援賊必乘勝輕進捕虜無救其戰自倍茂衆疲勞  
吾承其弊乃可剋也茂建果悉出攻武合戰良久霸壯  
士路潤等斷髮請戰霸乃開壁後出精騎襲其背茂建  
前後受敵驚亂敗走 又曰光和初黃巾賊餘帥韓忠  
據宛拒朱雋雋兵少不敵乃張圍結壘起土山以臨城  
內因鳴鼓攻其西南賊悉衆赴之雋自將精卒五千掩  
其東北乘城而入忠退保小城因急攻不剋雋謂張超  
曰賊外圍周固內營逼急降不受欲出不得所以死  
戰也不如撤圍忠必自出自出則意散易破之道也解



圍忠果出戰雋因擊大破之忠等遂降 蜀書曰諸葛亮率諸軍北駐漢中屯於沔陽揚聲由斜谷道取郿使趙雲鄧芝爲疑軍據箕谷魏大將軍曹真舉衆拒之亮身率諸軍攻祁山戎陣整齊賞罰肅而號令明南安天水安定三郡叛魏應亮關中響震 魏書曰袁紹追曹公軍至延津南公勒兵駐營南阪下令騎解鞍放馬是時白馬輜重就道諸將以爲敵騎多不如還保營荀攸曰此所以餌敵如何去之紹騎將文醜將五六千騎前後至諸將白可上馬公曰未也騎至稍多或分趣輜重公曰可矣乃皆上馬時騎不滿六百遂縱兵擊大破之

斬醜 晉書曰魏青龍初遼東太守公孫淵反徵司馬懿進師淵阻遼隧懿盛兵出其南賊悉銳赴之乃泛舟潛濟以出其北沉舟焚梁傍遼水作長圍棄賊而向襄平懿曰賊大衆在此巢窟虛矣我直指襄平則人懷內懼懼而求戰破之必矣賊見兵出其後果邀之懿謂諸將曰不攻其營正欲致此乃縱兵逆擊三戰皆捷賊保襄平會霖潦大水賊樵牧自若諸將欲取之皆不聽司馬陳珪曰昔攻上庸八部並進一旬之半拔堅城斬孟達今遠來而更安緩竊惑焉懿曰孟達衆少食支一年將士四倍於達糧不淹月以一月圖一年安可不速以



四擊一正令半解猶當為之今賊衆我寡賊饑我飽水  
雨乃爾抄其樵采此故驅之走也故當示無能以安之  
雨止晝夜攻之淵乞剋日送任懿縱兵擊敗之斬於梁  
水之上 又曰羊祜為平南將軍每與吳人交兵剋日  
方戰不為掩襲之計有欲進譎詐之策輒飲以醇酒使  
不得言 又曰苻堅率兵次於項城衆號百萬詔以謝  
元為前鋒都督諸軍事堅列陣臨肥水元軍不得渡使  
謂苻融曰君遠涉吾境而臨水為陣是不欲速戰諸君  
稍却令將士得周旋僕與諸君緩轡而觀之不亦樂乎  
堅曰但却軍令得過而我以鐵騎數十萬向水逼而殺

之融亦以為然遂麾使却陣衆因亂不能止於是元等  
以精銳八千涉渡肥水決戰堅中流矢臨陣斬融堅衆  
奔潰 唐書曰史思明至偃師李光弼趨河陽賊帥周  
摯與安太清攻北城光弼斂軍入召諸將問賊陣何所  
最堅曰西北隅召郝廷玉復問其次曰東南隅召論惟  
貞光弼執大旗曰望吾旗麾若緩可觀便宜若三麾至  
地諸軍畢入生死以之退者斬光弼麾旗三諸軍爭奮  
賊衆奔敗始光弼將戰內刀於韞曰戰危事吾位三公  
不可辱於賊萬有一不捷當自剄以謝天子及是西向  
拜舞三軍感動 又曰安祿山反會李光弼攻賊常山



拔之郭子儀於是晝揚兵夜擣壘賊不得息氣益老乃  
與光弼等擊賊嘉山斬首四萬級賊史思明跳奔博陵  
又曰憲宗討吳元濟李愬求自試時師夜起不知所  
之令曰引而東襲張柴磯其戍敕士少休會大風雪士  
抱戈凍死於道十一二始發吏請所向愬曰入蔡州取  
吳元濟士失色然業從愬人人不敢自為計愬道分輕  
兵斷橋以絕河曲道又以兵絕朗山道夜半至懸瓠城  
雪甚城傍皆鷺鷥池愬令擊之以亂軍聲賊恃吳房朗  
山戍晏然無知者李祐等次坎墉先登眾從之殺門  
者發關留持柝傳夜自如黎明雪止愬入駐元濟外宅

元濟請罪檻送京師 五代史曰晉取鄆州梁人大恐  
末帝召王彥章為招討使問破敵之期彥章對曰三日  
左右皆失笑彥章馳兩日至滑州置酒大會陰遣人具  
舟於楊村命甲士六百皆持巨斧載冶者具韞炭乘流  
而下彥章會飲酒半佯起更衣引精兵數千沿河以趨  
德勝舟兵舉鑠燒斷之因以巨斧斬浮橋彥章引兵急  
擊南城破之蓋三日矣 又曰安重榮反杜重威逆戰  
於宗城重榮為偃月陣重威擊之不動欲少却以伺之  
偏將王重胤曰兩兵相交退者先敗乃分為三重威先  
以左右隊擊其兩翼戰酣重胤以精兵擊其中軍重榮



遂大敗 宋史曰皇祐中廣源州蠻儂智高反除狄青經制廣南盜賊事時智高據邕州青兵次賓州頓甲令軍士休十日覘者還以為軍未即進青明日乃整軍騎一晝夜絕崑崙關出歸仁鋪為陣賊既失險悉出逆戰青執白旗麾騎兵縱左右翼出賊不意大敗之 又曰趙方帥邊十年以戰為守持軍嚴每令諸將當使日日可戰 又曰建炎初帝如錢塘苗傅劉正彥反次臨平韓世忠舍馬操戈而前令將士曰今日當以死報國賊列神臂弩持滿以待世忠瞋目大呼挺刃突前賊辟易矢不及發遂敗 又曰紹興初偽齊遣李成挾金人入

侵帝命岳飛為之備飛趨襄陽成迎戰左臨襄江飛笑曰步兵利險阻騎兵利平曠成左列騎江岸右列步兵地雖眾十萬何能為鞭指王貴曰爾以長槍步卒擊其騎兵指牛臯曰爾以騎兵擊其步卒合戰馬應槍而斃後騎皆擁入江步卒死者無數成夜遁復襄陽 又曰紹興中劉錡充東京副留守自臨安抵順昌兀木至城下時天大暑敵遠來疲敝錡士氣閒暇方晨氣清涼錡按兵不動逮未申間敵力疲氣索忽遣數百人出西門接戰俄以數千人出南門戒令勿喊但以銳斧犯之敵大敗 名山藏劉基傳曰時諸將奉太祖為吳王以基



為太史令吳王使徐達常遇春攻張士誠蘇州圍三百  
餘日不下基曰蘇城形如螺取螺者擊首則縮擊尾則  
出齊門尾也盤門首也擊齊門盤門開矣諸將用其言  
破之 吾學編常遇春傳曰遇春性剛直膂力絕人比  
抵采石元兵陣磯上下聯大舟距三丈許相顧莫敢先  
登遇春後至上麾之前即捨舟挺戈大呼一躍而登眾  
披靡遂拔采石取太平

攻戰三

**原**勇氣 危事 上詳攻戰二 逸孟 四攻五良 六  
厲五衛 周書大武解云攻有四攻五良四攻者一攻天  
時二攻地宜三攻人德四攻行利五良一取仁

二取智三取勇四取材五取藝此九者攻之開也孔晁  
注曰攻謂奪其計使不成也開言開此道以成攻又  
曰戰有六厲五衛六厲一仁厲以行二智厲以道三武  
厲以勇四師厲以士五校正厲御六射師厲伍五衛一  
明仁懷恕二明智輔謀三明武攝勇四明材攝士五明  
藝攝官孔晁注曰六厲為治政也五衛皆所以成戰矣  
因天乘地 從天擊地 背風從天凡戰背風背高注曰  
戰前因天氣乘地勢也 黃帝問元女兵法云戰關之  
法當從九天之上擊九地之下眾士默然無所見九  
天者春在青龍夏在朱雀秋在白虎冬在元武四神為  
九夫其衡則九地也 因虛乘散  
觀急擊疑 兵法擒之於干遂此因其虛乘其散也 司馬  
法危而觀其懼靜而觀其急動而 背孤攻虛 避實  
觀其疑襲而觀其治擊其疑也 孫子五行之自然從計約  
擊虛以奮擊常背孤而攻虛 乘衰擊死 兼舍環龜  
水水之形避高而趨下 乘衰擊死 兼舍環龜  
兵之形避實而擊虛



善者之動也當以生擊死以威乘衰  
舍環龜注云兼舍者晝夜行也四面屯守謂之環龜  
倍則分之少則逃之孫子兵法云用兵之法十則圍  
戰之少則能逃之不若則能避之故小敵之堅大敵之  
禽也注曰倍則分之者以敵一則一術為正一術為  
奇少則逃之者高夜火晝旗小怯大勇孫子軍爭為  
壁堅壘勿與戰也夜火晝旗小怯大勇孫子軍爭為  
多火鼓書戰多旌旗所以變人之耳目也東觀漢記  
云王尋王邑圍昆陽光武將步騎千餘前去大軍四五  
里而陳尋邑亦遣兵數千合戰光武奔之斬首數十級  
諸部真曰劉將軍平生見小敵怯今見大敵勇甚可怪  
也百戰百勝七縱七擒宋外黃徐子曰自將過  
百戰百勝之術太子能聽臣乎漢晉春秋曰諸葛亮  
在南中所在戰捷既得孟獲使觀於營陣之間問曰此  
軍何如獲對曰向者不知虛實故敗今蒙賜觀看營陣  
若祇如此即定易勝耳亮笑縱使更戰七縱七擒而亮  
猶遺獲不止不去曰公穰侯十攻不疑十計戰國  
天威也南人不復反矣穰侯十攻不疑十計戰國

秦攻韓圍陞范唯謂秦昭王曰有攻人者有攻地者穰  
侯十攻魏而不得傷者非秦弱而魏強也其所攻者地  
也零陵先賢傳曰曹操攻柳城不下圖畫  
形勢問計策周不疑進十計以攻城城即下兵火俱  
攻炎燧四舉城大隱晉書祖約為豫州刺史胡騎至攻  
軍賦云炎燧四一朝而拔一戰而霸韓子云吳起  
舉元戎齊登四一朝而拔一戰而霸韓子云吳起  
有小亭臨境起欲攻之下令曰明日攻亭有能先登者  
仕之國大夫賜之上田上宅人爭趨之於是攻亭一  
而拔之詳號令以正其官民聽不惑而後用之出穀戍  
示之禮作執秩以壽華之野泌谷之上與擊齒持盾  
釋宋圍一戰而壽華之野泌谷之上與擊齒持盾  
壽華之野射殺之存崑崙墟東羿持弓矢擊齒持盾  
注曰擊齒亦人也齒如鑿長五六尺因以為名韓非  
子云宋襄公與楚涿鹿之野潁潑之野黃帝者炎  
帝之兄也炎帝無道黃帝伐之家語孔子北游登於農山  
炎帝而兼其地天下乃治家語孔子北游登於農山  
武功部







曉作舟艦侃乃命作大艦逕據江口摧破敏前鋒伺水  
 軍從沔口與賊水戰伺左右三人上弩以給伺伺望敵  
 射之箭無空發滅此朝食滅寇後食齊侯曰余姑剪滅於  
 而朝食不介馬而馳之晉中興復寇澹口入餘姚上虞  
 都督五郡軍士隆安四年孫恩復寇澹口入餘姚上虞  
 進攻耶浦去山陰北三十五里羣賊銳進人情震駭時  
 尚未食琰曰要當先滅此寇而後食也跨馬而出摧鋒  
 陷陣殺賊其多伏尸數萬決水千仞角者曰觸氏有國於  
 蝸之右角者曰蠻氏時相與爭地而戰伏尸數萬逐北  
 旬有五日而後返誠知所爭者如此之細則天下無事  
 矣孫子兵法云勝者之戰若刀折矢盡弦絕矢  
 決積水於千仞之谿者形也  
 竭後漢書段熲為護羌校尉會燒當燒何當煎勒如等  
 復與燒何大豪寇張掖同種千餘落并兵晨奔煩軍  
 頽下馬大戰至日中刀折矢盡亦引退王隱晉書  
 周處討巨賊而進軍上六陌山東據甘泉之勢西固梁  
 山之險大戰盡日斬首萬計後播系遠軍期獨當勁處

弦絕矢竭後繼  
 不及遂喪戰場  
 師不整而散也宋徽齊必還請擊公弗許自雩門竊出  
 蒙臯比操鐵杖左傳齊師宋師交  
 春秋趙氏攻中山之公從之大敗宋師齊師乃還  
 操鐵杖以戰而所擊無不碎所衝無不陷以車投車以  
 人投人也幾至破郅支腦沙漠漢書陳湯為西域  
 將所而後死注揚雄長楊賦碎輻輳  
 破穹廬腦沙漠注揚雄長楊賦碎輻輳  
 墮垣敞樓陳琳武衝軍賊其攻也則飛梯雲行臨閣靈構  
 千數衝車臨城中梯衝舞城上魏略諸葛亮攻郝昭  
 臨城中昭以火箭射之雲梯盡於魏略諸葛亮攻郝昭  
 公孫瓚使行人齋書與子續曰袁氏之攻狀若鬼神梯  
 中日月城上鼓角鳴於地杖黃鉞秉白旄乘素輿  
 執白羽尚書王左袂黃鉞右秉白旄以麾語林諸葛  
 武侯與晉宣帝在渭濱將戰武侯乘素輿執白

攻戰



羽扇指麾三軍衆 德攻 義戰 傳能以德攻 孟

皆陣 合圍 作壘 上詳攻戰一 宋皇瑗圍鄭師每日遷舍

取鄭 乘墉 遷舍 上詳攻戰一 下詳合圍注 凌城 環堙 齊

親鼓士凌城 晏弱圍萊甲寅堙 乘城 鼓儵 乘城 侯

而戰 傳曰聲威致志鼓儵可也言敵 忘身 懼貌

人在儼嚴險處未成列可鼓而擊之也 無堅 疑衆 攻

司馬儼曰孫權征合肥久不拔張紘進計曰古之 嘗寇 殺敵 嘗試也 今圍之密誠懼并命死戰也

圍開一面以疑衆心 今圍之密誠懼并命死戰也 張三軍 成八陣 傳我

三軍而被吾甲兵以武臨之 不覆 諸葛亮 尋干戈 蒙

矢石 不相能也 日尋干戈 以相征討 漢王蒙矢石

子濟而陳 我戰則克 晉陽處父使謂楚子上曰武

子齊而陳遲速唯命 兩軍未愆 十乘先行 傳兩軍

未愆注云愆缺也 稱戈立矛 裹糧坐甲 柄爾

元戎十乘以先啓行 詩 稱戈立矛 裹糧坐甲 戈此

爾干立爾矛 左傳秦軍掩晉上軍趙穿退之不及

反怒曰裹糧坐甲固敵是求敵至不擊將何俟焉

靡旗摩壘 矯翦控弦 傳靡旗摩壘而還 刑法志齊

不鼓不列 必勝必取 傳宋襄公不鼓不成列子魚

之衆戰必取 鉤援以伐 梁麗可衝 臨衝以爾鉤援與爾

臨衝車鉤援引上城者木 莊子 率是熊羆 整斯

曰梁麗可以衝城而不可入 室穴 率是熊羆 整斯

鵠鵠願為鸛其御願為鵠 探甲執兵 修陣固列

傳探甲執兵 見可而進 交綏而退 傳並 執燧象以

武即死也 崑崙頤卷一百一十一 攻戰



奔吳師 驅畫牛以觸燕衆 楚昭王 田單 勅敵 銳師

乘勝逐北 斬將奪旗 躬擐甲胄 親授矢石 堂

堂之陣 趙趙之夫 決勝運籌 陷陣勅敵 敦陣

整旅 被堅執銳 功振七略 勇冠三軍 縱敵生

患 違天不祥 率烏合之師 列魚麗之陣 夜戰

其聲相聞足以相救 畫戰其目相見足以相識 龍

韜潛運定拔幟之奇謀 烏陣臨高起沈沙之妙算

同得原於重耳信由是明 比克敵於荀吳義然後取

以上並 用寡固 以危勝 司馬法曰凡戰之道用

利正 又曰凡戰以力久 動九天 開一角 戰上詳攻

許洞虎鈴經曰本圍三面兵士 衆披靡 賊辟易 帖

嚴為備禦開圍一角得生路 衆披靡 賊辟易 帖

馬麟從李光弼屯出三反衆披靡乘之賊遂潰光弼

曰吾用兵三十年未見以少擊衆 見勝則起 遇時

不疑龍韜太公曰未見形而戰雖衆必敗善戰者居之

失遇時不疑見勝則起不見形而戰雖衆必敗善戰者居之

後時反受其殃 衝內擊外 遠交近攻 曰謹候敵

人未盡至去城四里而為壘令壘上多積強弩百步一

突門有行馬車騎居外銳士隱伏而處敵至使我輕

卒合戰而作走令我城下發吾伏兵以衝其內或擊其

外我軍疾戰或擊其前或擊其後勇走戰國策范雎說

秦王曰王不如遠交而近攻得 七遇皆北 八戰皆

捷崇文統兵討之鹿頭山南距成都百五十里扼二川

武 崇文統兵討之鹿頭山南距成都百五十里扼二川

崇文統兵討之鹿頭山南距成都百五十里扼二川

崇文統兵討之鹿頭山南距成都百五十里扼二川

崇文統兵討之鹿頭山南距成都百五十里扼二川

崇文統兵討之鹿頭山南距成都百五十里扼二川



之要關城之拒東兵崇文始破賊二萬於城下會雨  
不克明日戰萬勝堆直鹿頭左使驍將高霞寓鼓之  
士可頭數凡八戰皆捷禽關刻石紀功於鹿頭山  
迭戰則久能忍故勝司馬法曰迭戰則久皆戰則強  
楊珉問將軍前後擊賊何以每得勝耶伺曰兩江夏太守  
敵共對唯當忍之彼不能忍我忍是輕行輕則危以重  
行輕以銳當驕行重則無功以輕行重則敗以重  
輕則戰故戰相為輕重吾學編李文忠傳曰吳將李  
伯昇寇新城文忠未至新賊鋒俟大軍文忠曰以眾則  
人非彼敵以眾寡不敵非我敵未戰輒退賊勢益熾莫  
若與戰遂下令曰彼眾而我驕我未戰輒退賊勢益熾莫  
少而銳以銳當驕行重則無功以輕行重則敗以重  
出圍武陽公孫述遣史與救之漢迎擊與盡殄其眾因  
攻廣都拔之乘利進逼成都阻江北為營使副將劉尚  
屯於江南述使其將謝豐索吉攻漢使別將劉尚令

不得相救漢戰敗閉營三日不出乃多樹旛旗使煙火  
不絕夜街枚引兵與劉尚合軍豐等不覺自是漢與述  
戰於廣都斬述首傳送洛陽八揚臂爭出斷髮請戰  
上詳攻戰一五步乃白十步乃射  
下詳攻戰二五步乃白十步乃射  
比明破之未及還會布救兵至布身自搏戰自旦至日  
映數十合相持急操募陷陣典章先占將應募者數千  
人皆重衣兩鎧棄楯但執長矛掠戰西面又急進當  
之韋謂等曰人曰傷來十步乃白之等曰十步矣又曰  
五步乃白等曰人曰傷來十步乃白之等曰十步矣又曰  
所抵無不應手倒疾言至矣韋手持十餘戟大呼起  
東將軍從戰河橋祐下馬步鬪率左右十餘人齊聲大  
呼殺傷甚多敵以無繼圍之十餘重祐乃彎弓持滿  
四面拒之東魏人乃募厚甲長刀者直進取祐八部  
可十步祐乃射之中其面應弦而倒敵乃却  
並進萬矢齊發元年詳攻戰二宋史王德傳曰紹興  
於崇明沙青軍大潰他日餘黨復索戰謀言將用火牛  
德笑曰是古也可一不可再今不知變此成擒耳先命  
武功部

開監領丞卷一百廿二

攻戰

言



合軍持滿陳始交萬矢齊發命懸布援人披髮入  
皆反奔賊眾驍焉青自縛請命三萬戶屯林歷山四面  
陣壁立吳將賀齊募輕捷士夜於隱處以鐵戈拓山而  
上懸布以援下人得軍上者百餘人分佈四面鳴鼓角賊  
守路者皆驚走還大軍上破之以其地為新都郡見  
武備志東齊記事云狄青與西賊棄船登岸舍  
戰每戰帶銅面具披髮出入行陣姚讚守檢宋武帝軍  
馬操戈次潼關謀進取計鎮惡請帥水軍自河入渭直  
至渭橋令將士食畢便棄船登岸渭水流急諸艦悉逐  
乘衣糧並以逐流唯宜死戰可立大功乃有前無却  
身先士卒即陷長安城下詳攻戰二魏攻陷城軍監  
潘靈祐勸敵退還巢湖窰怒口將軍死綏有前無却  
令取繳扇麾幢樹之堤下示無動志宋史韓世忠傳  
曰大校李復鼓衆以亂淄青之附者合數萬人李彌大  
檄世忠將所部追擊至臨淄河兵不滿千分為四隊布

鐵蒺藜自塞歸路令曰進則勝退則死走者命奪稍  
後隊勦殺於是莫敢返顧皆敬戰善避稍每單騎入  
還刺拔矢反射賊雖羣刺之不能傷又奪取賊稍  
還刺之齊王元吉使去刃與之校敬德請王加刃而獨  
去之卒不能中帝嘗問奪稍與避稍孰難對曰奪稍難  
歸霸傳曰張旺軍赤岡以三失稍遂大愧服五代史張  
歸之反以射賊一發而斃奪其馬而戰矢中歸霸拔  
剗斬王祖從高丘望見甚壯之契丹次天門嶺會  
使者陳利以脅賊脫祿山率河東兵討契丹次天門嶺會  
思德貌類祿山及戰霧叢牙注矢邀取之傳言祿山獲  
矣奚則以書曰昏迷不返諸侯之師集城下環壘劄整  
武陵遺以書曰昏迷不返諸侯之師集城下環壘劄整  
卒崩離元濟得書不悟還軍示弱閉壘示怯唐書  
弼守河陽周摯攻北城光弼使荔非元禮守羊馬城摯  
恃衆直逼城以車千乘載木鷄撞車麾兵填壘八道並  
武功部開監領函卷二百十一攻戰三五



進先弼論元禮曰中丞視賊過兵不顧何也報曰方戰  
賊為我實整復何怪元禮遂出戰以敵堅未可以馳還  
破賊以見休棚中良久顧麾下曰向公來召戰不及往請  
一當死有名無庸受戮乃下馬持刀瞋目直前左右奮擊  
友寧攻王師範于青州師範乞兵于楊行密行密遣子  
景仁以步騎七千大敗之遂斬友寧時太祖方攻鄆州  
兵急毀柵而出驅馳疾戰酣退而坐召諸將飲酒已而  
復戰梁臨機制變批亢擣虛人軍書曰夫臨機  
制變又何可數昔司馬宣王征孟達測入道急攻公孫  
淵則捨其銳而趨其虛緩以撓各從其利也贊皇一  
品集賜石雄及三軍詔曰刻期深入屢挫狂  
鋒批亢擣虛遵款游刃永言勳勳豈忘子懷遇雪疾  
馳逆風力戰大雪趣梁太祖遣朱珍以兵趨滑州道遇  
義成軍以為方雪不意梁兵疾馳一夕至其城下是時  
代史張彥澤與契丹戰陽城為契丹所圍而軍中無水

大又大風契丹順風揚塵奮擊甚銳彥澤問諸將咸曰  
獨曰軍中饑渴已甚若待風回吾屬為虜矣且逆風而  
戰敵謂我不能所謂出其不意者也彥澤即上馬力  
戰契丹開圍以小利嘗敵以羸兵尉繚子曰凡將  
攻也將重壘高眾懼可圍也凡圍必開其小利使漸夷  
弱則節吝有不食者矣武備志五代周本將兵七千  
救高安或謂木口危全諷兵強君宜觀形勢本曰賊眾  
十倍于我我軍聞之必懼不若乘其銳而用之全諷營  
柵臨溪亘數十里本隔溪布陣先使羸兵嘗敵全諷營  
涉溪追之本乘其半濟縱兵擊之全諷兵大潰本分兵  
擒全諷歸虜工即墨之圍習昆明之戰駱賓王為兵  
尤工即墨之圍或家本秦人早習昆明之戰射洞股  
復前血巖面不已後魏書曰中山王英之征義陽傳  
將馬仙理直趨長圍永乃分兵付長史賈思祖令守營  
畢自將馬步千人南逆仙理探甲揮戈單騎先入惟有  
武功部

尚書賈思祖

攻戰

三



軍主蔡三虎副之餘人無有及者賊射永洞其左股永拔箭復入遂大破之唐書王難得收京師方戰麾下

士失馬難得馳救矢著眉披膚郭目乃拔三日破南

城三鼓奪崑崙州上詳攻戰二武備志儂智高守崑

燈燭首夜宴將佐次夜宴從軍官三夜饗軍校首夜樂

飲徹曉次夜二鼓時青忽稱病暫起如內久之使人諭

孫沔令暫主席行酒少服藥乃出數使勸勞坐客至曉

客未敢退忽有馳報者云夜傳呼曰賊敗大呼曰

賊破南迴素習軍旅老猶被甲臨陣兵皆關中人為之

力戰孝寬等軍不利而却鄴中士民觀戰者數萬人字

文忻曰事急矣吾當以詭道破之乃先射觀者觀者皆

走轉相騰籍聲如雷霆忻乃傳呼曰賊敗矣眾復振因

其擾而乘之迴軍敗自殺孝寬分兵悉平關東武備

志劉麟從淮西繫三浮橋而渡次於濠壽之間張浚以

兵拒之揚沂中使統制吳錫率勁卒五千突入其軍而

破矣以精騎衝其脅大呼曰賊囊土塞流而涉曳車

塞門以戰武備志馬燧等屯於漳濱田悅築月城以守

下流涉淺而渡進屯滄口與悅夾洹水而軍孔帖帝

狩奉天溘賊率家人子弟以從授行在都虞候京畿渭

北節度使朱泚兵薄城戰譙門晨至日中不擊倦勞

解或以芻草至城曳車塞門焚以戰賊乃解擊倦勞

避開窰攻西南掩東北其司馬法曰凡戰擊其倦勞避

攻戰晝揚兵夜擣壘夜鳴鼓旦寢兵上詳攻戰二

子奇攻淮陽張巡於城中夜鳴鼓嚴隊若將出擊者賊

聞之達旦徹備既明巡乃寢兵絕鼓賊以飛樓瞰城中

無所見遂休息巡與南霽雲雷萬春等十餘將各五十

騎開門突出直衝賊營斬賊五十餘人殺士卒五千餘

旦而戰見星未已武備志時順昌圍已四日金兵益

盛劉錡遣閻充募壯士五百夜斫其營是夕天欲雨電

武功部

詳攻戰二

詳攻戰二

詳攻戰二

詳攻戰二



光四起金兵退十五里騎復募百入往或請銜枚騎笑  
曰無以救也命竹為器如市井兒以為戲者人持以為  
營直犯金營雷所燭則奮擊電止則匿不動聞 一日  
吹器聲即聚金人不能測終夜自戰積屍盈野 一日  
夜行三百里 僅父子擊數萬人 容分守險隘高歡揚  
聲討之師出復止者數四兆意怠歡揣其歲首當宴會  
遣寶泰以精騎馳之一日一夜行三百里歡與魏軍繼  
之兆軍驚走慕容紹宗降歡 南史周盤龍與魏軍戰  
子奉叔單馬率二百餘人陷陣 魏萬餘騎張兩翼圍之  
披靡時奉叔已沒盤龍馳馬奮稍奔魏軍魏人莫不  
魏軍奉叔見其父久不出復躍馬入 攻不待衝隆而  
陣父子兩騎縈攬數萬人魏軍大敗 攻不待衝隆而  
城拔 戰不交兵刃而敵破梯而城拔戰不至交兵接  
刃而敵破明於 進不求名退不避罪 勝不遽追敗  
必勝之攻也 孫子曰進不求名退不避罪惟民是保而利於  
不至亂 孫子曰進不求名退不避罪惟民是保而利於

以制勝者玠弟璘曰璘從兄有事西夏每戰不過一進  
却之項勝負輒分至金人則更進迭退忍耐堅久令酷  
而之下必死每戰非累日不決勝不遽 聲由斜谷身攻  
追敗不至亂蓋自昔用兵所未嘗見 攻則不足戰則  
祁山 先攻兩翼次擊中軍 並詳攻 攻則不足戰則  
有餘 攻之我傷圍之彼困 武備志魏主欲乘虛伐統  
萬倍道先行羣臣咸諫魏主曰彼見步兵未至意必寬  
馳吾羸形以誘之彼或出戰則成擒矣吾軍去家二千  
餘里又隔大河所謂置之死地而後生者也以攻城則  
不足法戰則有餘矣遂行 又高仁厚至德陽楊師立  
遣其將鄭君雄據鹿頭以拒之堅壁不出仁厚曰  
政之則彼利我傷圍之則彼困我逸遂列寨圍之 鶴  
唳風晨走苻堅於肥水 鷺鳴雪夜擒元濟於蔡城事  
云 苑云

武功部 攻戰四 開益類函卷二百一十一 攻戰



**增**

六神為戰主

黃帝問元女兵法曰戰鬪之法乘一破

甲子旬在魁甲戌旬在勝甲申旬在弧甲午旬在罔

**原**

驅虎前驅 羅狼豹 黃帝與炎帝戰于阪泉之野帥熊

禽獸者也 天下莫禁 呂氏春秋齊桓公良車三百乘

之能禁 旛動而鼓 左傳王以諸侯伐鄭鄭伯御之原

陣戰於繻葛命二拒曰旛動而鼓注曰旛旛為魚麗之

也通帛為之蓋今大將之麾執以號令也 伏弢嘔

血鼓音不衰 又趙簡子追鄭師既戰簡子曰吾

投人 又齊晉將戰於莘齊高固入晉師築石以投人禽

餘勇注曰祭擔也既獲其人 潛師夜起 又秦康公送

趙盾秣馬秣 蒙馬以虎皮 又楚子玉使鬬勃請戰晉

食潛師夜起 蒙馬以虎皮 侯使欒枝對曰寡君聞命

矣詰朝將見已巳晉帥陳於莘北胥臣蒙 **增** 倚角 又

馬以虎皮先犯陳蔡陳奔楚右師潰 **原** 昏戒秣馬秣食 吳語

與晉路之注云倚其足也 **原** 昏戒秣馬食士夜中乃令服兵

會晉於黃池吳王昏乃戒秣馬食士夜中乃令服兵

探甲係馬舌出火竈建肥胡奉文犀之渠注曰出火滅

知肥胡嗜名 **增** 知為始仁勇次之 大戒師將伐吳

楚中包胥使於越越王問戰奚以而可包胥曰夫戰知

為始仁次之勇次之不知則不戰民之極無以銓度天

下之眾寡不仁則不能斷疑以發大計越王曰善 問五大夫

又越王召五大夫問戰奚以而可舌庸進對曰審賞則

可以進戰乎王曰聖物則可以進戰乎王曰審賞則

則可以進戰乎王曰聖物則可以進戰乎王曰審賞則

曰可以進戰乎王曰聖物則可以進戰乎王曰審賞則

勝文侯曰數戰數勝國之福也其所以亡何也李克曰

數戰數勝國之福也其所以亡何也李克曰數戰數

武功則民疲數戰數勝國之福也其所以亡何也李克曰

武功則民疲數戰數勝國之福也其所以亡何也李克曰

月盈頤約卷一百一十一

攻戰



也是故好戰窮兵 九設攻城之機 九史記公輸般攻宋  
 未有不亡者也 子九拒之公輸般攻械盡墨子守有餘公輸屈曰吾知  
 所以然臣弟者吾不言楚王問之墨子曰公輸意過欲殺  
 臣然宋楚乃不攻宋也 增因勢利導 又孫臏謂田  
 人在宋楚乃不攻宋也 增因勢利導 又孫臏謂田  
 利導之勢而 原威加海內 尉繚子曰古之善用兵者能  
 其下殺其十者能殺其半者威加海內殺其十者力加  
 諸侯殺其十者能殺其半者威加海內殺其十者力加  
 萬人殺其十者能殺其半者威加海內殺其十者力加  
 亂則刑乃明金鼓所指則萬人齊刃天下莫能陷其陣則千  
 人盡闕覆軍殺將則萬人齊刃天下莫能陷其陣則千  
 原餓狼見兔 商君書曰視民之戰如餓 兵冠諸侯 漢  
 項羽大破秦軍殺蘇角窮王離涉間 所當者破項王  
 不降自燒死是時楚兵冠諸侯也 所當者破項王  
 曰吾起兵今八歲矣吾七十餘戰所當者破項王  
 未嘗敗北遂霸天下今卒困於此天之亡我非戰之罪

也 軍士皆恐乃使子往 漢書李廣為郎中令將四千  
 四萬騎圍廣軍士皆恐乃使子往 漢書李廣為郎中令將四千  
 數十騎直貫胡騎出其左 漢書李廣為郎中令將四千  
 乃安 驅猛獸以助威 漢書李廣為郎中令將四千  
 選練武衛招募猛士 漢書李廣為郎中令將四千  
 無霸長一丈大十圍以 漢書李廣為郎中令將四千  
 出師以助威武自秦漢 漢書李廣為郎中令將四千  
 號二十萬至臨淄大城 漢書李廣為郎中令將四千  
 重異遇故示弱以威其 漢書李廣為郎中令將四千  
 自引精營與劉歆等合 漢書李廣為郎中令將四千  
 乃自引精營與劉歆等 漢書李廣為郎中令將四千  
 之贊率步騎二萬人逆 漢書李廣為郎中令將四千  
 重奔大破死其半濟薄 漢書李廣為郎中令將四千  
 道襲曹操操之 漢書李廣為郎中令將四千  
 以長擊拒之 漢書李廣為郎中令將四千  
 武功部 漢書李廣為郎中令將四千

攻戰



守郡曹操擊圍城周回四十里初令淺示若可越配  
 望見笑之不出爭利操一夜濬之廣深二丈引漳水灌  
 之城過半餓死之原大石擊門探進軍攻鄴配守鄴  
 內應開突門內操兵三百餘人配覺之從城將馬禮  
 上以國志不敵乃埋車輪絆馬以郡功曹領軍拒戰於六  
 華陽國志不敵乃埋車輪絆馬以郡功曹領軍拒戰於六  
 水門眾少不敵乃埋車輪絆馬以郡功曹領軍拒戰於六  
 武嘉郡之追贈後漢身自搏戰魏志云代郡烏桓反以  
 將軍郡縣為立祠胡數千騎卒至時兵馬未集唯有步  
 北征入涿郡界用田豫計固守要隙虜乃退散彰追  
 卒十人騎數百匹用田豫計固守要隙虜乃退散彰追  
 之身自搏戰射胡騎應弦而倒者前後相屬戰過  
 半日彰鎗中數箭意氣甚厲乘勝逐北至于桑乾  
 登江表傳典章性忠至謹重常侍終日夜宿帳左右  
 尋軍中為之語曰先登名冠三軍好持大雙戟長幾一  
 有典君手提雙戟八十斤

**增**以計代戰一當萬

晉書杜預遣牙門管定周旨伍

襲樂鄉吳都督孫歆震恐遣軍出拒王濬大敗而還旨  
 等發伏兵隨歆軍而入歆不覺直至帳下濬歆而還軍  
 中為之謠曰以原盡銳爭先

計代戰一當萬

實戰于擘洲於時殺兵數千靈寶兵甚盛而靈寶懼  
 有敗衄常漾輕舸於舫側故其眾莫有鬪心毅軍乘風  
 縱火盡銳爭先

**增**陣後射雉

又云杜弢率杜曾等大  
 命周訪擊之訪使將軍李恒督左甄許朝督江沔元帝  
 領中軍曾先攻左右甄勇冠三軍訪甚惡之自於陣後  
 射雉以作地道洩城中井武備志魏主遣伊樓拔助  
 安眾心

**增**陣後射雉

又云杜弢率杜曾等大  
 抗拒勁兵殆盡而魏增兵轉多作肉薄登城又魏人  
 地道洩城中井武備志魏主遣伊樓拔助  
 懸瓠作高樓臨城以射之矢下如雨城中負戶以汲陳  
 憲內設女牆外立木柵以拒之魏人填塹肉薄登城憲  
 督厲將士苦戰積屍與城等魏人乘屍上城短兵相接  
 憲銳氣愈奮戰士無不一當百殺傷萬計城中死者亦  
 過半

**增**陣後射雉

又云杜弢率杜曾等大  
 武功部

臨陣如尋常

武藝走馬射飛鳥十中其五六太祖

攻戰



每云諸將對敵神色皆動唯賀

夜及突厥並行

初拔素擊突厥連破之突厥走追至夜及之將復戰恐

賊越逸不令其騎稍後於是親將兩騎並降突厥二人與

言唐書段志元從劉文靜南無復定趣後

騎掩擊大破之自是積南無復定趣後

言顯和所襲軍且潰志元率壯騎馳賊殺十餘人中流

矢復振通敗走與諸將躡獲于稠桑

陣脫兜整

輔公祐反稜善兩刀其長丈一揮殺數人前無堅對

稜脫兜整謂眾曰不識我耶何敢戰其徒多

賊萬又王君廓從戰東都有功為右武衛將軍詔勞之

八遇八克又十三人破賊萬自古以少擊衆無有也

八遇八克戴紅抹額來應詔後與竇戰白水澗八遇

擬槍於肩叱刺其喉

下翰持半段槍迎擊所嚮輒披靡翰工用槍追及賊擬

槍於肩叱之賊反顧翰刺其喉剔而騰之高五尺許乃

手挺麈擊又李嗣業從白石路既臨步騎魚貫而前

拔汗那還兵韜餉塞道不可騎嗣業懼走

帶甲食裹

及手從鑿擊人馬斃仆者數十百虜駭走

創關張又安祿山反雍丘令狐潮舉縣附賊暫出行部

乃分千人乘城以數隊出身上前驅直薄潮軍却巡伺

走擊之積六旬大小數百戰士帶甲食裹創關潮遂敗

射馬擒王先射馬擒賊先擒王

挾矛驟馬

得為河源軍使吐蕃贊普子郎支都者恃驕敏畧陣挑

戰甚開暇無敢校者難得怒挾矛驟馬馳支都不暇

乘馬挾矛作刺賊狀賜錦袍金帶

飛鳥不敢過

人以不惱喜曰圍急飛鳥不敢過君乃冒白刃入危城古

人所不能乃勸

矢集身如蝟

武解白衣被甲

攻戰

時曲初賊晨壓其營

破

帖

難



以陣衆不得出光顏毀其柵將數騎突入賊中反往  
 再衆識先顏矢集其身如蝟衆攬馬鞅諫無深入光顏  
 挺刃叱之於是士  
 爭奮賊乃潰北  
 獵殘寇  
 猛士蒙俊猊之象  
 武備志朱滔帥幽州成德軍李寶  
 孝忠征之大破惟岳於東鹿進圍深州惟岳統萬餘衆  
 及田悅援兵至東鹿惟岳將王武以騎三千方陣橫進  
 滔繪帛爲後觀象使猛士百人蒙之鼓譟奮  
 馳戰馬驚亂隨擊大破之惟岳焚營而遁  
 勝孔帖王建及從戰胡柳晉兵已敗與梁爭土山梁兵  
 山者勝因馳騎犯之建宗至山下呼其軍曰今日之戰得  
 閣寶曰彼陣山上吾在諸將皆言潰兵未集且暮不可戰  
 下不可失也陣建及以爲然即馳而犯梁陣梁兵大敗  
 圍寇如坐網中  
 彥珂曰今三叛連衡推李守貞爲王守  
 貞亡則兩鎮自破矣威於是三道攻河中劉長壕築連  
 城列隊伍而圍之又謂諸將曰守貞有輕我心故敢反

正宜靜以制之乃偃旗仆鼓但循河設火鋪番步卒以  
 守之遣水軍艦舟於岸寇有潛往來者無不擒之於是  
 守貞如坐  
 網中矣  
 鏖戰  
 宋史岳飛傳曰紹興十年飛駐郾城  
 領騎兵自買其陣戒之曰不勝兀术兵逼郾城飛遣子雲  
 先斬汝鏖戰數十合賊屍布野  
 不深入不成功  
 又宗  
 曰靖康初金人渡河詔以澤爲副元帥入援澤兵進至  
 衛南度將孤兵寡不深入不能成功先驅云前有敵營  
 澤揮衆直前下令曰今日進退等死不可不從死中求  
 生士卒知必死無不一當百斬首數千級金人大敗  
 矢鋒雨集  
 鄒陽擬平江漢頌序曰陳友諒與我師遇  
 死  
 禽搜草刈  
 沈自邠擬嶺西大捷露布曰禽搜草刈

攻戰五

唐盧照鄰戰城南詩曰將軍出紫塞冒頓在烏貪

攻戰



笳喧鴈門北陣翼龍城南珣弓夜宛轉鐵騎曉驂驪應  
須駐白日爲待戰方酣

**增賦**唐高郢曹劇請從魯公一戰賦曰曹劇者何魯國  
英士決勝則若火燎原發言則如石投水於是陳車乘  
備甲兵魯有奇才將吞之於度內齊無良算詎得知其  
禍萌俟彼三鼓而退諒此一掃而平若臨窾扼獸竭海  
斬鯨觀其揚紅旗耀白日兩軍山峙千騎櫛比揮戈電  
飛激箭飈疾我鼓振兮其威初厲彼氣衰兮其律已失  
旣而齊師敗績奔喪倣擾殺氣凝於空間驚塵接於雲  
表鴻門之會比其功而莫高涿鹿之師齊其陣而猶小

**增論**唐杜牧戰論曰河北視天下猶珠璣也天下視河  
北猶四支也珠璣苟無豈不活身四支苟去吾不知其  
爲人今者誠能治其五敗則一戰可定四支可生不蒐  
練敗一不責實料食敗二賞厚敗三輕罰敗四不專任  
責成敗五 宋蘇洵心術篇曰夫惟義可以怒士士以  
義怒可與百戰凡戰之道未戰養其財將戰養其力旣  
戰養其氣旣勝養其心謹烽燧嚴斥堠使耕者無所顧  
忌所以養其財豐犒而優游之所以養其力小勝益急  
小挫益厲所以養其氣用人不盡其所欲爲所以養其  
心故士常蓄其怒懷其欲而不盡怒不盡則有餘勇欲



不盡則有餘貪故雖并天下而士不厭兵此黃帝之所  
以七十戰而兵不殆也不養其心一戰而勝不可用矣  
又攻守論曰攻有三道守有三道一曰正二曰奇三  
曰伏兵出正道勝敗未可知也出奇道十出而五勝矣  
出伏道十出而十勝矣何則正道之城堅城也兵精兵  
也奇道之城不必堅也兵不必精也伏道則無城也無  
兵也正道者若秦之函谷吳之長江蜀之劔閣是也昔  
者六國嘗攻函谷秦將敗之曹操嘗攻長江周瑜走之  
鍾會嘗攻劔閣姜維拒之何則其為之守備者素也劉  
漢反攻大梁田祿伯請以五萬人別循江淮收淮南長

沙以與淠會武關岑彭攻公孫述自江州沂都江破侯  
丹兵徑拔武陽繞出延岑軍後疾以精騎赴廣都距成  
都不數十里李愬攻蔡蔡悉精卒以抗李光顏而不備  
愬愬自文成破張柴疾馳二百里夜半到蔡黎明擒元  
濟此用奇道也漢武攻南越唐蒙請發夜郎兵浮船牂  
牁江道番禺城下以出越人不意鄧艾攻蜀自陰平由  
景谷攀木緣磴魚貫而進至江油而降馬邈至緜竹而  
斬諸葛瞻遂降劉禪出令殺守潼關關之左有谷而不  
之備林言尚讓入之夾攻關而關兵潰此用伏道也善  
用兵者一陣之間尚有正兵奇兵伏兵三者以取勝况



守一國攻一國社稷之安危繫焉其可不知此三道耶  
蘇軾孫武論曰今其書十三篇小至部曲營壘芻糧  
器械之間而大不過於攻城拔國用間之際天下之勢  
武未及也竊以爲天下之勢莫大於使天下樂戰而不  
好戰何也天下不樂戰則不可從事於危好戰則不可  
從事於安昔秦人之法使吏士自爲戰戰勝而利歸於  
民所得於敵者即以有之使民之所以養生送死者非  
殺敵無由取也故其民以好戰并天下而亦以亡夫始  
皇雖已墮名城殺豪傑銷鋒鏑而民之好戰之心囂然  
其未已也是故不可與休息而至於亡若夫王者之兵

要在於使之知愛其上而讐其敵使之知其上之所以  
驅之於戰者凡皆以爲我也是以樂其戰而甘其死至  
於其戰也務勝敵而不務得財其賞也發公室而行之  
於廟使其利不在於殺人故其民不志於好戰夫然後  
可以作之安居之中而休之於爭奪之際可與安可與  
危而不可與亂此天下之勢也

鑑類函卷二百十二



不之懷也

予而村之休軍奪之湖阿與安阿  
中於人姑其月不志於世輝夫然  
於其輝也於輝而不絲其銀其賞也  
強之於輝也於輝也其以樂其輝而  
其其輝也於輝也其以樂其輝而甘  
其其輝也於輝也其以樂其輝而甘  
其其輝也於輝也其以樂其輝而甘



